

GO TSEA MAHLAKORE LE JESU

¶ . . . lefelo le lengwe ka Louisville, moo o—o jago, gomme le bitšwa, a re boneng, Dogpatch Restaurant. Ke ne e tee, lehono. Ge e ka ba mang a ej a fale, gona ba tsea tšelete yeo o ba filego, gomme ba romela kereke karolo ya lesome go yona. Ke felotsoko ka 319 West Jefferson Street. Ke a thanka ke ka baka leo Billy a bilego le yona e letše mo, gore ba kgone go bona. Seo se gabotse ka maatla.

2 Bjale, baena, ga ke tsebe se tshepedišo ya lena ya—ya kopano ya banna, feela se le se dirago, goba ka fao le laolago dikopano tša lena. Gomme ge ke etšwa go peakanyo fa, gonganeng, go tloga go tlwaelo ya setlwaedi, gonganeng, biletšang šedi ya ka go yona.

3 E rerilwe bošegong bjo, ke naganne, bjalo ka ge ke bile le ma—ma matena e se kgale botelele le modiša wa rena wa go ratega kudu, Ngwanešu Neville, gomme ke be ke bolela se sengwe go yena se se bego se le pelong ya ka. Gomme ka gopolā, ge re ka hwetša sehlopha sa banna mmogo, le badiredi, ke badirišani ba rena mo ba Ebangedi, le banna, re ka kgona go boledišana seng ka tsela yeo re ka se bolelego pele ga setšhaba. Gobane bohole re ka go. . . . Ke rena banna bao ba kweššago bjalo ka banna, banna ba Bakriste. Gomme ka tsela yeo, ka mehla, ka phuthiegong, sehlopha, le bolela se sengwe, gomme—gomme o tee o tla e ithekga gannyane ka tsela *ye*, gomme o tee o tla e ithekga ka tsela *yela*, gomme—gomme morago e ya ntłe yohle. Eupša moo re tlago go leka, bošegong bjo, go le botša se ke nago le sona ka pelong ya ka, mabapi le kereke, le la yona—le lefelo la yona, le maemo a yona. Gomme ka gona ge re ka fetša ka nako, ke tla rata go bolela le lena feela gannyane nthathana go Lentšu, ge go lokile. Feela mohuta wa go fediša seo, kafao re tla hwetša karolo ya rena ya kgwebo, goba karolo ye ke ratago go e hlagiša go lena, pele. Gomme ke a thanka mohlomongwe le tšwa, nako ya mehleng, e ka ba masometharo go tšwa go senyane goba se sengwe boka seo, boka bošego bjo bongwe le bjo bongwe. Gabotse, ke tla leka go se le swarelele botelele. Gosasa ke Mokibelo, gomme ke letšatši le legolo la kgwebo, eupša bjale re swanetše go hwetša krosari ya rena le go ya pele.

4 Ke nyaka go re go Ngwanešu Neville, phatlalatša. Bjale ke—ke nyaka go re, go yo mongwe le yo mongwe wa lena, feela boka ke be ke bolela ka sephiring go lena, feela yo mongwe le yo mongwe. Gobane, le sehlopha seo—seo. . . . Ka kgonthe ke nagana seo, le go dumela le go ruta, gore, banna, Modimo o dirile banna boetapele bja Kereke ya Gagwe, bja batho ba Gagwe. Le a bona? Gomme ke. . . . Bjalo ka ge ke be ke rerela Ngwanešu Junie Jackson, bošegong bja go feta, ka Modimo o šireleditše batho ba Gagwe—ba Gagwe ka Lentšu la Gagwe. Gomme e be e le mosadi

yo a go šwahla go kgabola mothalo wola le go fa mabaka, gomme ge e dirile, Modimo neng le neng ka mehla o e beile bakeng sa ba Gagwe, go banna go boloka Kereke ya Gagwe e šireleditšwe ke Lentšu.

⁵ Bjale, ke—ke nyaka go hlohleletša Ngwanešu Neville feela gannyane, ke bolela le yena sephiring. Ke lemogile bošegong bja go feta, tlhatho e nteile, makga a mabedi goba a mararo, ge ke be ke le ka phuluphithing. Gomme ke retologile go dikologa, gobane ke leka go ya kgole go tloga go yona ka mo ke kgonago, go fihla ke hwetša se toro e bego e se ra go nna mo e sego telele go fetile, dibeke di se kae tša go feta. E nkgomaretše nako ye telele. Ke e boletše fa ka kerekeng, ka ga se sengwe ka ga Molaetša le—le tlhatho, le go ya pele. Ga se e no, e be e no se tle ntle gabotse. Go mogopolu wa ka, nako yeo e fedile, gomme—gomme nka no ba phošo go seo. Eupša ke lemogile gore—gore Ngwanešu Neville o be a le mohuta wa go lapa le go nyama.

⁶ Gomme efela ke nno nyaka o tsebe, Ngwanešu Neville, gore o no letela ka go kopanelo ye ka go seo. A le sa tšo hlokometše se Sathane a lekilego go se dira mo matšatšing a se makae a go feta go badiredi ba ba amanago le kopanelo ye? Go no ema metsotso e se mekae, le go makala. Fa go dutše Ngwanešu Crasse, o dutše fa, bošegong bjo, o nyakile a bolailwe godimo fale mo tseleng. Le a bona? Gomme ke nyakile go ba le hlogo ya ka e kgaotšwe ka šotekane, goba ka raborolo. Le a bona? Sathane a leka go re tšea. Gomme fale o thutše thwi ka gare, gomme o ka be o ipolaile wenamong le mosadi tsoko gape. Le a bona? Feela badiredi, lebelelang feela se—se sehlopha sa bodiredi. Le a bona? Ke Sathane, gomme o leka go re fediša.

⁷ Bjale, rena re, lemoga seo, ga se ra kgobokana mo go bolela ka mohuta wo mongwe wa kgwebo. Re mo go kgobokana, go bolela ka . . . ka Kriste, le maswaro go swara, le se re ka go se dira bakeng sa nako ye ya bjale.

Gomme ke—ke nyaka go go hlohleletša, Ngwanešu Neville. Eba mafolofolo. Ga go kgathale ke eng e tlago godimo, ke eng e yago, ke eng e diregago, feela o no se dumelele selo go go nyamiša. E no ema fale boka leswika la mehleng, gomme Modimo o tla dira se sengwe le se sengwe go tšwa gabotse. O netefaditše seo go wena. Nnete, seo se ka be se go nyamišitše, seo se ka be se bolaile mosadi yola, gomme seo se ka be se bile monaganong wa gago, matšatši a gago ka moka, gomme go ka be go bile le dilo tše dintši. Eupša Modimo o sa le godimo ga Terone. O, O dumelela dilo tše go ſoma gabotse. A ka kgona go re tšea, le rena. Gomme, kafao, Sathane a elwa ka Kerekeng.

⁸ Bjale, ge ke beile letlapak hutlo lela fale mosong wola, ga se nke ka ikwela gore nka tsoge ka ba modiša. E be e se ka dipitšong tša ka, mo mathomong. Gomme pitšo ya ka ya mathomo e be e swanetše go ba tšhemong ya boebangedi. Yeo e bile mengwaga

ye mentši ya go feta. Gomme ka thoma go tloga, godimo fa ka tenteng, feela go kgabaganya mokgotha.

Gomme ke elelwa ge Ngwanešu Roy Davis, tlase kua, gomme kereke ya gagwe e swele lore. Sehlopha sela sa batho se be se no swana le dinku tša go šwalala na ntle le modiši, se be se se na le lefelo la go ya.

Gomme Mna. Hibstenberg o be a le Molaodi wa Maphodisa nako yeo, gomme o mpileditše tlase kua. O rile go nna, “Re mo go go thuša.” A re, “Ke nna Mokatoliki, ka bona, eupša,” a re, “bona batho,” a re, “go molaleng ga ba na le diaparo.” E be e le nakong ya kgatelego. O rile, “Ba ya go dikereke tše dingwe gomme ba ikwela ba sa amogelega, gomme ke batho ba go loka. Ke tseba ba bantsi ba bona.” O rile, “Billy, ge o nyaka go thoma kereke,” o rile, “ke nyaka o tsebe gore re ka morago ga gago ka go e ka ba eng re ka kgonago go e dira go go thuša.” Gomme ke mo lebogile bakeng sa yona.

⁹ Re bile le letšatši la go swaya. Sa pele, re rapetše le go kgopela Morena. Gomme batho ba tla go nna gomme ba nyaka go aga kereke, gore ba kgone go ba le lefelo go ya. Gomme re tšere sephetho ka lefelo le, gomme bošego bjo bongwe go bapa le nako ye, goba kgojana gannyane fa, ka go mokgobo lefoka thwi go bapa ka fa, le meetse ka go mokoti wo, gomme o be a no ba boka botšhollatlakala, boka. Gabotse, Morena o boletše le nna ka kgonthe gomme o rile, “E age thwi fa.” Go se peni ya tšhelete, gomme magareng ga rena re bile le e ka ba—e ka ba disente tše masomeseswai goba tolara. Gomme yeo ke, nnete, o tla sega yeo bjale, eupša, ngwanešu, yeo e be e le tšhelete nako yeo.

¹⁰ Ge moagišani yo mongwe a apea pitša ya dinawa, gomme ba hwetša moagišani yo a bego a se ne selo lebaka la matšatši a mabedi goba a mararo, go tla godimo le go ja di se kae tša tšona, tšela di be di le dinako tše thata. Bontši bja baisa ba baswa ga se ba ke ba bona seo, eupša seo se be se le bothata go ya. Ke bone nako ye o bego o ka kgona go fetiša poleiti ya koleke kerekeng ye, makga a mabedi, goba a mararo, le go hwetša disente tše masometharo go tšwa lefelong le le tletšego, le go e kgopela. Go tla... Go molaleng gore o tla hwetša disente tše masometharo, gomme o bile le moneelo wo mobotse. Le a bona? Ka mnete go ya makgwakgwa.

¹¹ Gomme re be re se na le selo go aga ka sona, go le bjalo kga—kga kganyogo ya batho e be e le go aga kereke, gore re kgone go ba le lefelo go ya. Gobane, ka go wona matšatši... Molaetša, gabotse, le nagana O naganwa gampe bjale. O be o swanetše go be o O tsebile nako yeo, ge go se motho, gomme ka gona ka kolobetšo ye ya meetse Leineng la Jesu Kriste, le di—di ditšhegofatšo le dilo tše re dumelago go tšona le go di emela.

¹² Kafao godimo ga pelo ya ka ke dirile tshepišo go Modimo, gore re tla dula fa le go aga tabarenenekele. Mosong wo re beilego

letlapa la sekhutlo, O kopane le nna godimo kua ka ponong, e ka ba ka iri ya seswai mosong woo, ge ke be ke dutše fale, ke bogetše ntle go kgabaganya, letšatši le etla godimo, feela e ka ba ka nako ye ya ngwaga. Gomme O mpoditše, morago ga ge A kopane le nna tlase kua nokeng, ka Seo, ge Morongwa wa Morena a bonagetše ka go Seetša sela. Ke Se bone kgole. Se bonagetše boka naledi. Gomme Se tla thwi fase godimo moo ke bego ke le, gomme wona Mantšu a go hlomphega a be a bolelwa. Gomme ka fao, ka gona, ke rerile le pelo nako yeo go hweletša batho lefelo go rapela ka go lona.

¹³ Bjale, ke gopotše, ka bona, “Ga se bakeng sa ka. Ga se selo go nna.” Eupša go le bjalo se sengwe le se sengwe seo se amanago le Modimo ke karolo ya ka, ga go kgathale ge eba ke . . . Se sengwe le se sengwe seo—seo e lego sa bana ba Modimo, ke sa ka, ge eba ke mošomo wa ka go dira *se*, goba go dira *sela*. Ke mošomo wa ka go bona go bohwa bja Modimo, go sa kgathale moo bo lego. Le a bona?

¹⁴ Feel a boka o tla re, “Gabotse, nna . . .” Go swana le ge o be o le mošeman yo monnyane, wa re, “Mošomo wa ka—wa ka e no ba go rema legong, e sego go le rwalele ka gare. A nke Johane a le rwalele ka gare. Ga ke tshwenyege ge eba lehlwa le wela godimo ga lona, pula. A nke a ye ntle gomme a le hwetše.” Aowa. Ke mošomo wa gago bjalo ka—bjalo ka ngwana wa lapa lela go bona gore legong ga le kolobe, bakeng sa mmago. Le a bona? Le rwalele ka gare.

¹⁵ Ge ba re, “Gabotse, Frank a ka be a ile gomme a tliša meetse. Ga se taba ya ka.” Eupša ge Frank a se a tliša meetse, ke taba ya gago go hlokomela meetse. Yeo ke phetho. Bjale, yeo e no ba tsela ye e kitimago.

Gomme yeo ke tsela ye e kitimago ka lapeng la Modimo, le gona. Ge ba bangwe ba bona—ba bangwe ba bona ba re . . .

¹⁶ Yo mongwe, e sego telele go fetile, o rile, “Tlogela go rera ka tsela ye o lego. Nna, joo, o ya go senya mogwera yo mongwe le yo mongwe o nago nae, le se sengwe le se sengwe go swana le seo.” O rile, “Tlogela yeo e nnoši. Ke a tseba ke phošo, eupša, nna, ga se taba ya rena.”

Gabotse, ke taba ya mang gona? Ge e le phošo, yo mongwe o swanetše go e dira, kafao a re no e dirang. Gomme yeo ke tsela ye ke ikwelago ka Kereke.

¹⁷ Mananeo a go aga le go ya pele a tlie, godimo le fase, godimo le fase, gomme go bile le mahlakorepedi, ka meagong, le go ya pele. Yo motee o be a e nyaka, gomme yo mongwe o be a sa e nyake, le *se*, *sela*. Wena, o e hwetša ka mokgwa woo.

¹⁸ O ka kgon a go hwetša woo ge o šoma magareng ga badiredi, magareng ga borakgwebo, magareng ga mafelo a marobalo, mogohle o yago. Moo o nago le sehlopha sa banna, o—o na le dikgopololo tša go fapan. Gomme kafao, kagona, o swanetše go

ba le motho o tee yoo o beago boitshepo ka go yena, le go kgetha motho yola. Yohle e šoma ka seo.

Go no swana le ka sešoleng, o swanetše go ba le yo motee ke mogeneral, woo ke motsemošate. Mokapotene o bolela *se*, ke mokapotene wa sehlopha seo, eupša ka gona mogeneral o kgona go fetola ditaelo tša gagwe.

Gomme Molaodi Molaedi Kakaretšo, ka nnete, ke Jesu Kriste, ka Kerekeng. Gomme badiredi ba Gagwe ke balaodi ba dikhamphani, bao—bao ba Mo emetšego mo lefaseng.

¹⁹ Gomme ba lekile dilo tše dintši, tabarenakele ye nnyane fa. Gomme mafelelong . . . ke ile ka homola ka go yona, go no bona, morago ga ge ke e agile. Gomme ka gona Morena o mpileditše ntle ka tšhemong, e ka ba ye lesometlhano, mengwaga ye lesometshela ya go feta, gomme ke tlogetše kereke.

Eupša, go le bjalo, ke no se kgone go e tima. Ka mehla ke bolokile leina la ka le gomaretše go yona, gore ke kgone go ba boutho nako ye nngwe ge selo sa phošo se thomile ka fa. Ke tla ba le tokelo go tla le—le go e emiša, ka gobane ke e tšwetše mphufutšo lebaka la mengwaga ye mentši ka morago ga phuluphithe yi, mengwaga ye lesomešupa ka fa, go boloka selo go otlogile. Ge mehuta yohle ya diism le bokagare le bokantle, le mohuta wo mongwe le wo mongwe wa bodumedithoko. Gomme ka go ba kerekemohlakanelwa, se sengwe le se sengwe se bego se fofela ka gare, se fofetše ka tsela *ye*, gomme ka thušo ya Modimo re eme mo ka Ebangedi ya go se otswafatšwe, gomme o sa eme go swana bošegong bjo. Nnete, kafao re . . . Eupša go na le dinako tše kereke ye e lekilego go rekišwa ntle go tšwa ka tlase ga ka, le se sengwe le se sengwe gape ka mokgwa woo. Ge leina la ka le se la gomaretšwa go yona tlase fale, gabaneng, kgonthe go tla ba, go bile go boima bošegong bjo. E sego . . . Gomme e be e se nna, e be e le Modimo, ka nnete, yo a e dirilego.

²⁰ Gomme ka gona, bjalo ka ge ke e bona bjale, go tla ka lefelong le e lego lona, gomme re phela ka iring ye kgolo, e sa le kgahlego ya ka go bolela se sengwe ka kereke ye, le a bona, gobane ke—ke karolo ya ka. Ga go kgathale ge eba ke mo goba aowa, e sa le karolo ya ka. Gomme ke mošomo wa ka go bona gore e šoma ka go hlweka, go hlaka, le bokaonekaone nka kgonago bakeng sa Mmušo wa Modimo.

²¹ Gomme ke leboga kudu, gore, mo matšatšing a, ke a bona ke na le disathalaete go yona, tše ke di thabelago. Ngwanešu Crase fa, sehlopha sa gagwe sa Sellersburg; le ngwanešu morago fale, yoo a sa tšogo tsea lefelo la Ngwanešu Snelling ka Utica; le Ngwanešu Ruddell godimo mo; le Ngwanešu Junior Jackson; le bašemane bale ba bohlokwa, bao e lego banna ba bakaone, banna ba go makatša ba Modimo. Ba rera Molaetša wo. Bjale, ba ka no, yo motee a ka no se dumelane feela gannyanenyane godimo ga se sengwe goba se sengwe, yoo e no ba motho

magareng ga sehlopha sa badiredi go le bjalo. Gomme ge badiredi ba ne phapano ye nnyane, go ka se be le mo—mo moriti wa phapano ka go yona.

Mohlomongwe o tee a ka re, “Ke a dumela gore Mileniamo o tla tla, gomme Jesu o tla ba godimo ga pere ye tšhweu.” Yo mongwe o re, “Ke a dumela, ge A etla, O tla tla godimo ga lerus lešweu.” Gabotse, ge feela ba dumela O etla, seo ke kgwekgwe ya selo, le a bona, ga go kgathale O tla bjang. Feelaa, ba a dumela O etla, le go ba komana bakeng sa yona. Gomme ka tsela yeo . . .

²² Ke lekile go hwetša bjale. Gomme ke be ke ithuta. Ke e boletše pele ga phuthego. Ke be ke ithuta Kereke ya pelepele. Gomme ke šeditše tsela yeo banna bale ba tloditšwego ba lokišitšego Ntlo ya Morena, le tshepedišo ya borapedi bja Morena ka Ntlong, gomme e nteile kgonthe, kgonthe gabotse. Gomme ke rerile mo nako ye nngwe ya go feta, le godimo ga thuto ya Joele 2, “Ke tla bušetša, go rialo Morena, mengwaga yohle yeo bojane bo e jelego, le phatakalala, le mogokong, le go ya pele.” Gomme ke thoma go ithuta go seo, ka ga se banna ba ba se dirilego, le tsela yeo ba hlokometšego Kereke ye Modimo a ba tlogeletšego bookamedi bja yona.

²³ Bjale re ya go thoma ka Kereke ya pelepele, le go no E tliša lebaka la e ka ba metsotsye mehlano bjale, tlase go se ba se dirilego, gomme ka gona nka kgonha go le laetša pono ye ke nago le yona bakeng sa bokamoso. Bjale, mathomong, Kereke e ile ya hlomamišwa ka Pentecost. Gomme fao Moya wo Mokgethwa wa wela godimo ga bona, moo Jesu a kgethilego ba lesomepedi. Gomme yo motee wa bona o wele, gomme ba kgethile Mathia go tsea lefelo la gagwe. Gomme Moya wo Mokgethwa o letile go fihla sohle se se be se le lenaneong, pele O etla. Ba ile ba swanela go kgetha yo motee go tsea bopišopo bja—bja Judase, yo a welego ka karogo, go phethagatša Lengwalo.

²⁴ Gomme ke a dumela gore dilo tšohle tše di na le nako ya go nokologa, go leta, eupša e letile nako go Lengwalo go phethagatšwa, go fihla se sengwe le se sengwe se etla gabotse, se sengwe le se sengwe mo lenaneong, se letile. Makga a mantši re ba go kgo- . . . go se kgotlelele, boka ngwana. Rena ba bagolo . . . re hwetša ditetelo tše kgolo, gomme makga a mantši re tabogela pelepele, gomme seo—seo se no šitiša mošomo, go fihla ge mošomo o swarwa godimo. Le a bona? Re swanetše go no sepela ka tlhomphokgolo, go ba le morero ka pelong gore Modimo, ge A ka hlologela go re šomiša ka go se *sebjalo le bjalo*, eupša letang go fihla A dira go bulega, gobane O swanetše go ya pele ga rena.

²⁵ Le eelwa Dafida a eya ntweng bošego bjola? O be a lapile ka ntwya yela, gomme o letše ka tlase ga mehlare yela ya mourupe go fihla a ekwa Morena ka go gwaša ga matlakala, a eya pele ga gagwe. Morago o ile ka tlhohleletšo, gobane o tsebile gore Modimo o be a ile pele ga gagwe.

Gomme ge feelsa re ka dira seo, baena. Go tseba gore ntwa e swanetše go tla, eupša re swanetše go leta go fihla re bona seatla sa Modimo se eya pele ga renas, go dira tsela.

²⁶ Bjale, ke hlokometše gore ka fao dikereke, boebangedi bo thomilego go šwalalana mogohle ntle. Gomme ka gona re tla tsea, mohlala, Paulo o ba moromiwa yo mogolo go batho ba renas. Re hwetša gore o ile go rarela, e ka ba kae Morena a mo hlahletšego, gomme o hlomile kerekas. Gomme e bile Tumelo ye mpsha. Dikereke tša matšatši ao, go swana le ka Asia Minor, gohle go kgabola Yuropa, ga—ga se tša dumela Molaetša wola. Gomme ge a ile a swanela go rera Molaetša, gomme ba bantši ba sokologetše go Wona, gona go be go se yo motee . . . Ge a tlogetše batho ka seemong sela, be ba tla tlarumela thwi morago ka go medimo ya bona ya bohetene, le ka go Bojuda, le e ka ba eng gape, gobane batho ga se ba be le o tee go ba ruta. Ba—ba basokologi, ba be ba se na le lefelo mo ba ka yago, ka fao Paulo o hlomile dikereke ka dikarolong tša go fapanas tša naga.

²⁷ Ye nngwe le ye nngwe ya dikereke tše, o tlogetše yo mongwe yo a bego a le lenaneong, monna yo a bego a tshepega, monna yo a bego a tsebjia bjalo ka modiša, modiši. Goba, gona, morago ga ge kerekas ye gona e bile . . . Dikereke tše dingwe tše dinnyane di tšwile go yona. Masogana le bakgalabje ba tsogile, gomme ba ba dikereke go tšwa go yeo. Monna yo a bego a le ka godimo ga kerekas ya mathomo o be a bitšwa pišopo. Gomme ka gona ba gagwe bao ba ilego ntle go tloga go yena, bana ba gagwe, ba be ba bitšwa badiša, goba badiša. Gomme ka gona . . . gomme sehlopha se sengwe le se sengwe sa dikereke tše dinnyane tšohle di tla tla morago go pišopo ye.

²⁸ Boka mo nakong ya Irenaeus, o išitšepele selo sa go swana. Martin o išitšepele selo sa go swana. Polycarp o išitše selo sa go swana. Thwi go theoga lebaka, ba bile le seo. Gomme ka gona moapostola wa Kerekas, moapostola, yoo e be e le Paulo. Gomme ge Paulo a tlogile, Johane o tšere bolaodi bja Kerekas. Gomme ge Johane a tlogile, Polycarp o E tšere. Ge Polycarp a tlogile, Irenaeus o E tšere. Gomme go ya pele go theoga, Martin, le go ya pele.

Go no tšwelapele go ya go fihla kerekas ya Katoliki ya Roma e phatlola selo ka moka diripana, le go di tšuma, le go di šwalalanya. Gomme mogokong o ja se, gomme bojane bo ja sela. Le go ya pele go ja seo, le go ja seo, go fihla ba E tliša thwi fase go lehlaka.

Bjale, eupša, Modimo o tshepišitše go bušetša gape selo sela sa go swana.

²⁹ Ke na le . . . Ke a dumela, ka pelo ya ka yohle, gore re phela ka matšatšing a mafelelo. Ke a dumela gore ga—ga go bontši kudu bo ka robago se, e ka ba eng . . . Gomme tlhathollo ya ka e ka no ba phošo, ya Mangwalo, gore Jesu a ka se kgone go tla bošegong

bjo. Ke a dumela gore se sennyane se se šetšego go phethagatšwa, se ka kgona go phethagatšwa pele ga seetsa sa letšatsi mosong, gomme ke tla bona. Gomme nka no ba phošo ka nako yeo ya go phethagatša, eupša e batametše. Mo... ke dumela seo.

Gomme, elelwang, Paulo o dumetše seo. Johane o dumetše seo. Polycarp o dumetše seo. Irenaeus o dumetše seo. Martin o dumetše seo. Bohle ka moka ga bona ba e dumetše.

³⁰ Go ka reng ge Modimo a ka be a boditše Johane, moutolli, “Bjale, go ya go ba mengwaga ye dikete tše pedi pele ga go Tla ga Ka”? Johane a ka be a tlide morago le go botša Kereke, “Gabotse, ke a thank a le rena re ka ja, ra nwa, le go thaba kudu, gobane go ya go ba meloko ye mentši.” Le a bona? “Jesu ga a tle lebakala mengwaga ye dikete tše pedi.” Le a bona? Kafao, le a bona, Kereke e be e tla hlepha. Go be go ka se be “godimo ga leswao.” Go be go ka se be le go leta.

Gomme morago ga tšohle, ke ditetelo tša gago, ge o robetše ka go tišo yela, gore o phafoga le tšona ditetelo tša go swana. Gobane, ga e ye go šitiša selo se tee. O ya go ba thwi fale mo nakong, go le bjalo. Le a bona? Le bona se ke se rago?

³¹ Bjale, ge—ge Mokgethwa Martin a letile ka tsogong, Mokgethwa Paulo, bohole ka moka ga bona, go tla no ba bonanana boka ba be ba le thwi ka ntweng, ba elwa gonabjale, gobane ba ile thwi tlase ka tlase ga ditetelo tšela tša go swana, ba lebeletše go Tla ga Gagwe. Gomme go tla ba le Kgoeletšo ye e tlogo, gomme godimo go tla tla Kereke ka moka. Le a bona? Yeo e tla ba yona. Kafao, ga go tshwenye. Le a bona?

³² Re swanetše go be re Mo lebeletše thwi bjale. Ebile... Ga re tsebe. Go—go ka kgonega gore go ka ba mengwaga ye lekgolo go tloga bjale. E ka ba mengwaga ye makgolothano, mengwaga ye sekete, mengwaga ye dikete tše lesome. Ga ke tsebe. Ga go yo a tsebago. Eupša, e re, mohlala, gore re phetše letšatši le lengwe le le lengwe, gore O be a etla letšatši leo. Le a bona? Ge nkabe re phetše boka A be a etla letšatšing le, ge re phafoga, ge re robala, gomme re phafoga ka tsogong, e be e tla no ba bonanana bjalo ka ge re nno robala, re nno phafoga. “Phalafala e tla galagala, ba ba hwetšego go Kriste ba tla tsoga pele; rena ba re phelago le go šala re tla ubulelwa godimo mmogo le bona, go gahlanetsa Morena sebakabakeng.” Le a bona? Kafao e tla no ba bonanana.

³³ Eupša bjale, go fihla nako yeo, go fihla A etla, re nyaka go phela letšatši le lengwe le lengwe boka A ka tla motsotsa wa go latela, gobane e ka no ba bofelo bja bophelo bja gago ka motsotsa woo. Ga o tsebe o ya neng. Wo e ka no ba wo mongwe wa mohemo wa rena wa mafefelo, re nago le wona ka go rena bjale, kafao le nyaka go phela go swana le ge o le.

³⁴ Eupša bjale go ya pele, go ya pejana, re swanetše go bea dikgato fa go mašabašaba a nako, gore ba bangwe ba kgone go bona. Ge Paulo a ka be a se a ya ka tsela ye a dirilego, gona

Johane o be a ka se tsebe mokgwa wa go latela. Ge Johane a ka be a se a ya pele, Polycarp o be a ka se tsebe mokgwa wa go latela. Ge nkabe Polycarp a se a ya pele, Irenaeus nkabe a se a tseba mokgwa wa go latela. Ge Irenaeus nkabe a se a ya pele, Martin o be a ka se tsebe mokgwa wa go latela. Le bona se ke se rago? Yo mongwe le yo mongwe o swanetše go bea dikgato mo lešabašabeng la nako.

³⁵ Gabotse, ge ke naganne gore go be go le kerekeleina goba seholpha e ka ba sefe se sengwe sa badumedi, seo se bilego le e ka ba eng bokaonana go phala re ne fa, baena, nkabe ke nyaka go runya mmele wo monnyane wo le yona thwi ka pela. Ke letile, ke hlohogetše, ke bile ka tlase ga ditetelo le go dumela gore yo mongwe yo mogolo o be a etla letšatši le lengwe, goba mohlomongwe moprofeta yo mogolo yoo ke bolelago o tla tla, ka Elisa. Ka mehla ke dumetše le go gopola, mohlomongwe, gore mohlomongwe ke tla phela go bona letšatši leo ge nka kgona go fetoga, ge ke tla bona motho yola a tsoga mo tiragalong, gona nka tsea kereke ya ka ye nnyane gomme ka re, “Baena, *yo* ke monna yo re mo lebeletšego. Monna *yo*, ke yena.” Ke letile seo.

Gomme ge gabotse seo se fetile, gona ke lebeletše go re, go tšwa godimo *fa*, “Baena, *yo* ke Yena,” a tlaggo go tšwa *fa*, le a bona. Gomme ke—ke nyaka go bona kereke e bolokilwe godimo ka mokgwa woo.

³⁶ Ke swanetše go be ke gatile go se sengwe, goba ke dirile se sengwe, le go bea bontši bja bophelo ka go selo seo. [Ngwanešu Branham o lokiša setšeamantšu—Mor.]

³⁷ Kafao bjale ke tla rata go bolela se, gore, bjale gore ye ke kereke ye e hlomilwego.

³⁸ A nke ke no ema gape, feela nakwana. Ge ke ile Bombay, ke bala yela kopano ya ka ye kgolokgolo ka lebaka la khuetšo ye e bilego le yona go batho. Gomme ke... Ge ka Afrika, ba re dikete tše masometharo di tlile go Kriste ka nako e tee, morago go bile lekgolo le masometlhano, goba dikete tše makgolopedi di tlile go Kriste ka nako e tee, go tšwa go seripa sela sa milione fao. Le a bona? Ke be ka dira eng? Go be go se selo. Mohlomongwe, mohlomongwe, e re go be go le, go no re, go be go le dikete tše lekgolo tša bona. Go be go se kereke, go se selo nka kgonago go se dira. Go be go se motho go ba fa go yena. Molaetša wo ke o dumelago, ke... Fao go be go se le ge e ka ba kerekeleina ya Pentecost e bego e tla dirišana le nna. Gomme disoulo tšela tšohle ka kgonagalo di hlehletše thwi morago ka go Masikh, Majain, Bobuddha, e ka ba eng gape ba tšwago go yona. Ga go lefelo go ba bea. Bjale, yeo ke dihlong. Yeo ke kgobogo. Le a bona? Gobane, ga se ke be le tirišanommogo, ka lebaka la kemo ye ke e tšeago. Le a bona?

³⁹ Go lokile, ka Afrika, ke ile ka kua ka tlase ga tlhokomelo yela, ya—ya—ya A.F. ya M. le Afrikaans Faith Missions. Gomme

ge ke dirile, nnete, ga ke kgone go dumelana le bona. Bona, ba kolobetša batho ka go kolobetšo ya boraro, makga a mararo, sefahlego pele. Gomme e tee ya tšona e kolobetša makga a mararo, go ya morago. E tee go modimo yo motee, Tate; ye nngwe go modimo yo mongwe, Morwa; ye nngwe go modimo yo mongwe, Moya wo Mokgethwa; le go kolobetša makga a mararo a go fapania, bakeng sa badimo ba bararo ba go fapania, le dilo tšohle tše bjalo ka tše. Gomme, mohlomongwe, kopano ya Durban, go se be le yona ka tshwanelo, gomme batho ba bona go šwalalana mo go bjalo magareng ga ditumelo tša Pentecostal le go ya pele, batho ga se ba tsebe ba dire eng. Ba be ba se ne lefelo go ya.

⁴⁰ Mohlomongwe, go ka reng ge re ka be re bile le tsošeletšo mo, baena? A nke ke e bee ka mokgwa wo. Go ka reng ge re ka no fetša ka tsošeletšo ye kgolo, gomme lena baena le sa tšo sokologa, gomme go be go se kereke ya mohuta wo ka nageng, e ka ba kae; gomme ke be ke le moebangedi, gomme bjale ke a tloga, le ka no se tsoge le mpone gape? O tla dira eng? O tla ikwela o ka re o ka se tsebe o dire eng. O ka se kgone go ya morago go leraga lela gape. O ka se kgone go ya morago tlase kua, le—le basadibagatša ba lena go apara disothi, le ba gago... le go diphathi tša gago tša dikarata le ditanse, le dilo boka tše, le go tsoge a kgotsofala gape.

Le tlile Bophelong. Le tsogile ka godimo ga selo seo. Le tlile lefelong, go na le gore le re, "Ye ke thutotumelo ya rena," le re, "Le ke Lentšu la Modimo." Gomme le tlile go phela ka Le, se Le le se bolelago. Gomme e sego se . . .

Gomme le ya tlase kua le go ba theetša, le go ba kwa ba eya tlase le go bapala panko, le go ba le motanso, le *se, seo*, le *se sengwe*, le molaetša wo monnyane nthathana wa go se be le selo ka go wona, ka meyara tsoko goba se sengwe, goba o be a eya go kgethiwagape, goba mohuta tsoko wa taba ya dipolitiki, le go ripa metsotsa ye lesome goba lesometlhano; ka morago ga ge le be le dutše mo, letšatši ka morago ga letšatši, le megobo ye megolo ya Lentšu le dilo. Le ka se tsebe le dire eng.

Le tla be le imetšwe kudu ka yona, go fihla ba bangwe ba lena ba maloko ba tla ikwela go thoma kereke, le go thoma go Le rera wenabeng, gobane pelo ya gago e tla swa bakeng sa Lentšu la Modimo, gomme o tla ikwela gampe go batho bao ba ikwetšego ka tsela ya go swana o dirilego. Bjale, a ga se nnete?

⁴¹ Le ge o tseba Jesu o be a etla, o naganne O be a etla gosasa, efela o tla nyaka go dira se sengwe lehono bakeng sa batho bale ba, badudimmogo ba Mmušo wa Modimo, go tla mmogo. O nyaka kopanelo le bona. Yeo ke nnete. Kafao ge go le ka tsela ye . . .

⁴² Bjale, ke a dumela ka pelo ya ka yohle gore Morena o nthušitše le go ntšhomisa go etelapele tsošeletšo ye kgolo, ye nngwe ya tše kgolokgolo yeo e kilego ya ratha lefase go tloga matšatšing a pelepele, go kgabaganya lefase. Re tseba seo. Yeo

ke nnete. Yohle e be e ile ka nako yeo, gomme—gomme O kopane le nna tlase kua nokeng le go mpotša gore Molaetša wo ke bilego le wona o be o tla bula madibogo a go Tla la bobedi ga Kriste. Gomme ke a nagana ga go motho mo bošegong bjo yo a bego a le tlase kua letšatši lela. Yeo e bile e ka ba mengwaga ye masometharo pedi ya go feta, ge Seetša sela se tšweletše; gomme se eme fale, nna ke lebeletše thwi go Sona. Makgolo a batho ba eme, ba Se lebeletše. Se tlide thwi fase, gomme Segalontšu sela sa bolela.

⁴³ Mengwaga moragwana, go a tla ba gore khamera e tsea seswantšho sa go swana, go lebega selo sa go swana feela tlwa se ke le boditšego, tlase nokeng. Bjale, nka no ba ke fošitše ka go dilo tše ntši, baena, eupša ga ke nyake go ba moikaketši. Ke nyaka go botega le go otloga le lena.

⁴⁴ Gomme ka gona, selo se sengwe, ge nkabe ke ile kgole, eng? Re be—re be re ka se tsoge ra aga kereke mo ka mokgwa woo. Go thata go bolela se re ka bego re bile le sona, le a bona, ge nkabe ke ile pele. Eupša Modimo wa Legodimo o e beile godimo ga pelo ya ka go aga kereke ye mo. Gomme ka gona ge A mpileditše ntle ka go boebangedi... Re bile le modiša ka morago ga modiša, le go ya pele, eupša bjale re na le ngwa—ngwa ngwanešu yo bohlokwa mo yo a lego wa Tumelo, o dumela Molaetša. Re na le banešu ba bangwe ntle mo ba ba dumelago Molaetša. Go ba . . .

⁴⁵ A ke kwagala kudu, Ngwanešu Beeler? [Ngwanešu Beeler o re, “Gannyane nthathana.”—Mor.] Go lokile, a re boneng. [“Aowa. Eya pele.”] Ya. Bile . . .

Re na le—re na le materiale.

⁴⁶ Gomme bjale o re, “Gabotse, Ngwanešu Branham, ge ba ka se kwe maswao a le dimaka tša Modimo yo mogolo wa Legodimo, re ya go e dira bjang?” Gabotse, bjale, go ka reng ge Mokgethwa Paulo a ka be a bile le kgopoloo yeo ya go swana? Le a bona? Eng? Eupša ga se a ke. Dipišopo tšela di dutše feela go botega go Molaetša! Gomme ba . . . Gomme Paulo, ka mehla kgafetša, morago ga go dira ntitkodiko ya gagwe . . . Le badile Beibele, ka fao a etelago morago le dikereke tše, o bolela le badiša, le dipišopo, le go ya pele, gomme ba tšere kimollo go tšwa go batho, gomme—gomme o bile le, oo, feela nako ye kgolo ya kopanelo, boka tsošeletšo goba nako ye kgolo ya megobo. Gomme Moya wo Mokgethwa o be o tla wela godimo ga bona, gomme melaetša e be e tla tla.

⁴⁷ Lebelelang ge a ile tlase kua go Filipi, ebile le barwedi ba gagwe ba profetile. Gomme o rile, “Go na le diketane le kgolego di letile bakeng sa—bakeng sa ngwanaborena ge a fihla godimo fale.” Ga se a fete go tšwela ntles ka jarateng, gomme mo go tla Agabo, moprofeta, a sepela go theoga, a lebelela go kgabaganya mokgotha. Gomme ga se nke a ke a bona Paulo pele, mookamedipharephare, sehlopha se ka moka sa dikereke

go kgabola Asia. Gomme o sepeletše godimo fale gomme o gogile lenti go tloga lehlakoreng la gagwe, o be a gahlile kobo ya gagwe ka lona, o tlemile diatla tša gagwe gomme o rile, "O RIALO MORENA, diketane le dikgolego di letetše yo a aperego se godimo kua." Le a bona? A profeta.

⁴⁸ Paulo o rile, "Ke a e tseba. Ke a e tseba. Eupša se robe pelo ya ka bjale. A nke ke fetše lebaka la ka." O be a lapile. O be a fedile. Gomme o be a eya pele le go tlogela bopišopo bja gagwe le Timotheo.

⁴⁹ Bjale re swanetše go nagana ka batho ba baswa. Re na le bana. Bontši bja rena batho mo, banna ba ba nyetšego, re na le bana. Gabotse, go reng ka bona bao ba tlago pele? Le a bona?

⁵⁰ Go swana le ge ke be ke tlwaetše go raga, tlase kua, ka bona go lahlela dinete tšela nokeng, go gogela tšona dihlaga ntle; le dino, matagwa le dilo. Ke ba bone ba pakelane godimo bjalo ka siling ye mo, ye kgolo, ye kaone dihlaga e robetše kua. Monkgo o tla ba gohle go dikologa noka. Ke ile tlase, bjalo ka mohlapetši wa diphoofolo, go di dira di e emiše. Ke ne lengwalo, "Ba tlogele ba nnoši. O ya go dira eng? Ke ya Kentucky." Bjale, mohlapetši wa Kentucky a ka se kgone go tla godimo mo, ka gore o ka ntle ga selete sa gagwe. Mohlapetši wa Indiana ga a na le selo go bolela ka go sona, ka baka la gore meetse ke a Kentucky. Fao ke lena. Ga go selo se se ka kgonago go dirwa.

⁵¹ Ka re, "Ke na le mošemanе o a tla, o tla rata go thea dihlapi. Gobaneng, ba be ba tla bea seswantšho sa gagwe ka pampiring ge a be a ka swara hlapi ya chub, mengwaga ye masomepedi go tloga bjale; ba lesa seo se eya pele ka mokgwa woo, dinnete tšela, mereo, se sengwe le se sengwe gape." Gomme ka go direga e ba ka mokgwa woo thwi bjale. Le a bona? Molato ke eng? Le swanetše go nagana ka ba ba tlago pele.

⁵² Kafao re swanetše go nagana ka ba bangwe bao ba tlago ka morago ga rena, batho ba baswa ba, le go ya pele, le lefelo bakeng sa bana ba rena. Barwedi ba rena, ga re ba nyake ntle ka lefaseng, ka go dilo tše boka tše. Re nyaka bona basetsana ba eme bjalo ka bommago bona. Gomme re swanetše go dira ditokišetšo tša seo. Gomme ge go se ne gosasa, ga re tsebe seo. Ge go se na gosasa, ga se re dire selo eupša re bile go taba ya Mong gomme re hwetšwe mo lefelong la rena la mošomo ge A etla. Le a bona?

⁵³ Kafao, ke tla šikinya se. Ke dirile, go Ngwanešu Neville. A re rwaleng ye pele feela ka mo re nago. A re e direng feela ka tsela ye e lego.

Ke thabela badiredi ba baswa ba. Le a bona, gabotse, ka Letšatši la Kahlolo, bakeng sa meedi ye ka moka go kgabola fa, go ka se be le boitshwareletšo, gobane re ne dikereke tše dinnyane di dutše ntle mogohle, tša mathoko, dikota tša go theetša, di letile.

⁵⁴ Bošegong bja go feta ke be ke le ka kerekeng ya ngwanešu, gomme ke botšišiše ge eba bohle ka fale ba be ba šireletsegile ka morago ga Lentšu. Gomme seatla se sengwe le se sengwe se ile godimo. Bjale, seo se ntirile ke ikwele gabotse. Le a bona?

⁵⁵ Bjale, se ke tla se naganago, e tla ba se, baena, gore go swana le ka kerekeng mo bjale. Ke . . . bo . . . Bodiredi bja ka bo dirile, bokaonekaone bja go nagana ga ka, dilo tše nne tše di ka kgonago go dirwa. Gomme go ka no ba e ka ba ye mene, eupša e ka no ba tebelelo e tee nka naganago ka yona; ge Yena yola a boletšego le nna tlase kua nokeng, ge se e le ka moka se se bego se tlogeletšwe kereke ya Bantle.

Yeo, re a lemoga, ka go Kutollo, e no ba ye tee, tše pedi, ditema tše tharo go Kereke. Kereke e a rotoga, ka go tema ya 4. Ga e sa bowa gape go fihla tema ya 19, ke ka morago ga Sekga sa Tlaišego ge Modimo a biletša Bajuda ntle. Yeo ke nnete.

⁵⁶ Gomme boka Henoge, o ile godimo pele lerothi le tee la pula le ka tsoge la betha lefase. O be a ile, morago tlaišego e tsene. Le a bona? Noage o be a le ka arekeng pele tlaišego e ka ba efe e tsena. Loto o be a le ka ntle ga Sodoma pele tlaišego e ka ba efe e tsena. Le a bona? Gomme Kereke e tla be e sepetše pele ga Sekga sa Tlaišego se itšego.

⁵⁷ Bjale, nakong ya Tlaišego, yeo e tla ba: kgarebe ye e robetšego e tla tsongwa ke trakoni, gomme ya tshwa *meetse* go tšwa molomong wa gagwe, ao a rago, “mašabašaba le batho,” madira ao a tla puruputšago tlase le go tsea mosadi yo, mašalela a peu ya gagwe, gomme a tla mmolaya. Bjale, yeo e tla ba ka go Sekga sa Tlaišego.

Eupša Kereke e tla ya Gae. Bjale, ge—ge seo se tsea, se ka direga gosasa, se be se ka se re šitiše go no ya pele lehono. A re direng lehono go balwa.

⁵⁸ Bjale, se ke se naganago, tlase kua, ge Morongwa yola a boletšego Mantšu ale go nna, a rile, “Bjalo ka ge Johane Mokolobetši a romilwe go bulela madibogo go Tla la pele ga Kriste,” le a bona, “Molaetša wa gago . . .” Ke be ke swanetše go tsea Molaetša wo, gomme “O be o tla bula madibogo a go Tla la bobedi ga Kriste.” Gabotse, ge Wo e bile Wona, gona ka kgonthe re, kgauswi ka kgonthe, baena, gobane iri le Seetša sa Molaetša di kgauswi le go ya ntle.

⁵⁹ A le hlokometše ge Pentecost e ewa, gomme banešu bale ba tladitšwe ka Pentecost, ka Moya wo Mokgethwa? Go be go se nako ye e itšego go fihla Molaetša o thomile go fifalela tlase, gomme ba thoma go bea dikereke godimo go swara sebo, bakeng sa Kriste, ba Mo letetše go tla. Gabotse, seo ke selo sa go swana se diregago lehono, ge Lengwalo le rereša, “Ke tla bušetša, go rialo Morena, tšohle tše mogokong le bojane di di jelego.” Bjale, ge woo e le wona, ge woo e le Molaetša, gomme, Modimo ntshwarele, ga—

ga ke tsebe. Ge yeo e le yona, gona nako e batametše kgauswi, ka kgonthé, gobane Molaetša o fedile.

⁶⁰ Gomme bošego bjo bongwe, ke be ke lora gore ke ile go ba le tlhatho moo lešaba le legolo la bagwera ba ka le bego le kgobokane, dikete tša bona ka kopanong. Go be go le moisa a etla, o nkhweditše. Gomme Billy ka mehla o a tla, o a nkhwetša, gobane ga o bolele le nna. Gomme monna yo o nno bolela mothalo wo bolou. Gomme pele ke fihla godimo kua, tlotšo yohle e be e tlogile go nna, bakeng sa yona. Gomme ka gona ke rile, “Gabotse, ke tla no ya godimo kua le—le go rera Molaetša, wa go botša batho bale, ‘Le se ke la bapalela dikerekemaina tšeō,’ le go ya pele, gomme, ‘Tšwelang ntle, ka mokgwa wo.’” Gomme ge ke fihla sefaleng, seo se ntlogetše.

⁶¹ Ga ke tsebe se e bego e se ra, eupša ke, go no ya pele. Ke no se tsebe. E ka kgona go ba bofelo bja tsela ya ka. E ka kgona go ba go Tla ga Morena. E ka kgona go ba phetogo ya letšatši. E ka kgona go ba go tla ga yo maatla yola, ge go ka ba yo mongwe ntle le se se šetšego se tlie. E ka kgona go ba seo. Dilo tšeō tšohle, re swanetše go goga go tšwa go tšona, e tla ba. Gomme ge ke eme mo bošegong bjo, pele ga Modimo le lena baena: ga ke tsebe. Nka se kgone go le botša. Ge nkabe ke dirile, ke be ke tla le botša, goba nkabe ke sa bolele, go tliša e ka ba eng godimo ka mokgwa wo. Ge ke be ke sa tsebe tsela efe . . . Ge ke tseba ke tsela efe selo se bego se eya, ke be—ke be ke tla se bolela, eupša ga ke tsebe. Nka se kgone go bolela. Ke ya thwi bjale go dikopano ntle le tshetlana ya tlhahlo. Ke a ya gobane ga ke nyake go dula godimo kua. Ke—ke—ke rata go tšwela ntle ka dikgweng gape le yo mongwe. Ge ke le phošo ka go se, Modimo ntshwarele.

⁶² Go ne dilo tše tharo di ka kgonago go direga go nna. E ba gore ke bofelo bja tsela ya ka, gomme a nke yo mongwe yo a tle godimo; ke butše tsela bakeng sa gagwe go tsea legato, gobane, elelwang, yena yoo a tlago go rera, o tla ba go Lentšu, “Go bušetša Tumelo ya bana morago go botate.” E ka kgona go ba bofelo bja tsela ya ka. E ka kgona go ba gore O fetolela bodiredi bja ka morago ka go boebangedi, bakeng sa mošwamawatle. Goba, go ka ba gore ga A ye go mpitša gape bakeng sa moebangedi, gomme O ntšeela ka lešokeng felotsoko, go ntlotša, go nthomela pele bjalo ka ge yo a tshepišitšwego a etla, ke a nagana. E ka kgona go ba se sengwe sa dilo tšeо.

⁶³ Nka se kgone go ya pele ka tsela ye ke bego ke eya. Gobane ke . . . Batho ba ntumetše. Ke—ke swanetše go bolela se. Ke e bolela pele ga batho. Batho, makga a mantši, ba ntšea bjalo ka go ba moprofeta. Ga ke itšeеле seo ka bona. Aowa, mohlomphegi. Ga ke dire. Ke na le . . . Ga ke bolele seo go kokobelá. Ke bolela seo go ba therešo. Ga ke itšeèle ka bona go ba moprofeta wa Morena. Ga—ga ke na le tlhompho yeo.

⁶⁴ Ke a dumela gore Morena o nšhomisitše, ka go dilo tše nnyane tša go ikgetha, go thuša mohlomongwe go bea motheo bakeng sa moprofeta yo a tla tlago. Eupša moprofeta ga a šome ka tsela ye ke šomago. Bjale, le tseba seo. Moprefeta ga se moebangedi, gomme moebangedi ga se moprofeta. Modiša ga se moebangedi, gomme moebangedi ga se modiša. “Eupša Modimo o beile ka Kerekeng, pele baapostola, morago baprofeta, morago barutiši, morago badiša,” le go ya pele. Modimo o ba beile ka Kerekeng, gomme Modimo o ba file ofisi.

⁶⁵ Eupša, mosong ge ke beile letlapakhtlo lela! Gobane, bjale, ge o le wa semoya, o a e hwetša. Ka baka la sello sa batho! Ge o ka kgona go phuleletša yeo, goba wa tše puku gomme wa e bala, e rile, “Dira mošomo wa moebangedi.” Ga se a mpiletša go ba moebangedi, eupša o rile, “Dira mošomo wa moebangedi, ka gore nako e tla tla ge ba ka se kwe Thuto ya go kwala, eupša ba tla ikgobokeletša bonabeng mmogo, barutiši, ba na le ditsebe tša go hlohloni, gomme ba tla retologa go tloga go Therešo go ya go dinonwane.” Le a bona? O tsopotše Lengwalo lela le go mpotša moo ke Le hwetšego. O le boletše makga a mararo. Gomme ke hweditše Beibele gomme ka phutholla go moo A mpoditšego, gomme le be e le fao. Gomme ka gona le tseba ka dikgamelwana tše pedi, tša Pentecostal Oneness le Pentecostal Assemblies. Ga se nke ka ke ka di putla. Ke bjetše mehlare ya tšona beng thwi moo di bego di le, gobane ke nagana bobedi di phošo. Eupša, go tšwa go yona, ke be ke le sefapanong, mo punong.

⁶⁶ Modimo o hlompha e ka ba mang yo a hlokofetšego. Petro o boletše seo. O bone gore Modimo o be a se tlhompho go batho, ditšhaba tšohle di a bitša, ge a le go ntlo yela ya Koronelio, ge ba amogetše Moya wo Mokgethwa boka ba dirile kua mathomong. Le a bona? Modimo ga a hlomphe motho. Re bona motho ka go teba le go hlokofala, a ka ba phošo ka go hlokofala. Eupša ge a le ka tlhokofalo, Modimo o tla mo etella pele go ya Seetšeng, felotsoko. O tla tla go Sona, ka baka la gore Modimo o tlemegile go dira seo.

⁶⁷ Gomme re nagana ka go Tla ga Morena, go beng se—se selo se segolo; le Molaetša, go no swana le ge O ile. Elelwang, go na le sehlopha se se kgethetšwegopele go ba mo ge Morena a bowa, gomme go ka no se be go feta tasene. Le a bona? Ga re tsebe. E ka no ba milione tše lekgolo; e ka no ba dikete tše lesome. Eupša ge... Bakgethelwapele ba tla kwa Molaetša le go O dumela, ge E le Molaetša wo o rometšwego ke Modimo, wo re O dumelago go ba wona.

⁶⁸ Bjale, ke rena ba, gona, thwi godimo fa go bofelo bja nako. Ge, ge Modimo a mpiditše... Bjale, theetšang, se ga sa swanela go bušeletšwa. Ge A mpiditše go ba moprofeta wa Gagwe, gona ka kgonthe ga ke sware ofisi ya yo motee. Baprofeta ga ba dire boebangedi. Moprefeta o ikuta yenamong ka lešokeng, a nnoši, le Modimo, go fihla a hwetša tlwa, thwi se Modimo a nyakago a

se dira. Gomme a gatela ntle thwi le go fa Molaetša wa gagwe, gomme morago ka lešokeng o ya gape. Yena ga se moebangedi, a swara dikopano, le go hwetša tšomišano, le dilo tšohle tše boka baebangedi ba dira. Ga a rute boka baebangedi. O ne O RIALO MOREŇA, gomme yeo ke yona, gomme yeo ke phetho. O a le fa, o le lahlela ntle, gomme o lesa ditshetla di wele moo le ratago, gomme morago o ya gape. Ga go yo a tsebago mo a lego. O ka go bodulanoši, felotsoko.

⁶⁹ Bjale, nka se kgone, goba ge A mpiditše go ba seo, nka se kgone go ba moebangedi. Gomme ge A mpiditše go ba moebangedi, nka se kgone go ba moprofeta. Bjale, le hwetša se ke se rago? Ga ke tsebe ke dire eng. Ke dirile, ka tlhomphokgolo, ge A mpoditše, pele, ka nna go swara seatla sa batho le go ba rapelela, morago ka tseba sephiri sa pelo ya bona, dilo tšohle tše tša go fapania. Gomme, baena, seo ga se palelwé. Le a tseba seo e swanetše go ba Therešo. Yo mongwe le yo mongwe wa lena o tseba seo. Le a bona?

Le ka fao A mpoditšego gore Le tla thuthupiša go kgabaganya lefase, gomme Le e dirile feela tlwa! Setšhaba se sengwe le se sengwe ka tlase ga magodimo se Le kwele, mogohle, dikuranta, digatiši tša theipi, mogohle. Ga ke tsebe ka fao E kilego ya e dira. Eupša, go kgabola ntle lefase lohle, mangwalo a etla ka gare, le batho go tšwa tlasetlase ka Thailand, le Bakgothu morago ka fale. Ka fao baromiwa bale ba kgobokanetšego morago ka fale le ditheipi tšela, le go fa tlhathollo yela ya Lentšu. Gomme bjale re kwa go tšwa gohlegohle lefaseng, le a bona, go dikologa lefase. Bjale, bona, Kereke, e kgethetšwepele tšekelele, mogohle. “Go ba ba babedi malaong; ba babedi ka tšhemong,” le a bona, go tšewa o tee gomme go tlogelwa o tee.

⁷⁰ Bjale, bjalo ka ge ke dirile mošomo wa moebangedi. Gomme kgopelo ya ka še. Ge seo se thabiša Modimo, gomme ke dirile mošomo gabotse, ke tshepa gore ke Mo kgahlide, ke kgopela tshwarelo go diphošo tšohle tša ka, gona A ka no be a mpitsa go tloga tšhemong ya boebangedi, go ba moprofeta wa Gagwe. Gona ge go le, ke tla tlogela boebangedi. Eupša ge A mpitsa go ba moprofeta, nka se kgone go ba moebangedi. Ge eba ke swanetše go ba moebangedi, nka se kgone go ba moprofeta.

Ke hlakanya diofisi tše pedi. Fao ke mo ka mehla ke bego ke kgakgana ka gona. Go eme sefaleng, ga se ya ke ya ba ye botse, ya katlego. Modimo o e šomišitše, eupša ga se nke ka nagana e be e le thato ya Gagwe ya thwi. E bile thato ya Gagwe ya nakana mokhura. Ema sefaleng, pono goba tše pedi di tla go šušulela ka ntle, go nyakile. Le a bona? Gomme ka gona ge o botša motho *yo* mokgwa wa go ikotlolla yenamong, le se a swanetše go se dira; gomme ka gona motho *yo* a latelago o ema fao, o letetše selo se se swanago. Gomme o ka se mmotše, ntle le ge Sengwe se go botša go mmotše. Gomme ka gona batho ba bangwe ba ikwela gore o moeki, goba mokgelogi, goba—goba letimone goba se sengwe,

gobane ga o ba botše se ba nyakago go se tseba. Le a bona, yeo ga se ofisi, ka tsela ye moprefeta a šomago.

⁷¹ Moprefeta o dula morago *mo* go fihla a gatela thwi ka bookelong, goba e ka ba kae a yago, ka O RIALO MORENA, le go e bolela, le go gatela morago ntle gape. Yena ga se moebangedi, le gatee. Ga a sware dikopano le go ahlaahla dilo. O na le Lentšu la Morena go e ka ba mang a rometšwego go yena.

⁷² Ge a rometšwe White House, o gatela thwi godimo ka pele ga White House, o re, "O RIALO MORENA." Ge e le go mmušiši wa naga, mang kapa mang e lego yena, ke O RIALO MORENA. Yena ga a širege tikologong le sehlapha sa dikereke, go leka go ba dira ba tle ka gare le go tsea Lentšu, le go rera dilo tše boka baebangedi. Ga se moebangedi.

⁷³ Kafao, le a bona, baena, ke ka baka leo ke sa ipitšago moprefeta nnamong. Ebile ga ke ka ofising ya yo motee. Le a bona? Bjale le kwešiša se ke se rago?

Bjale, go tla ba bontši bo eya pele ka mokgwa woo lebaka la nako ye telele, eupša ke holofela go se tsee nako ye ntši kudu ya lena, go fihla ke hwetša nthathana ye nnyane ya Lentšu le ke nyakago go le bala bošegong bjo.

⁷⁴ Bjale, sese se ke se dirago. Ga se ka tsoge ka ikwela gore ke swanetše go phela ka Indiana. Ke nna—ke nna ra—ra ratseleng. Ga ke... Ke tla ya lefelong le tee, ke a nagana, "Ke tla ya godimo *mo*, ke tla dula fase *mo*. Ye ke yona." Nka se kgone go e dira. Ge ke eya felotsoko gape, ke a nagana, "Ke tla ya godimo *mo*." Ge ke e dira....

Mosadimogatša wa ka o mpitša... Ke eng pina yela ba e opelago? *Diphefo Tša Go Hloka Khutšo*. Le e kwele, ke a thanka. Bontši bja lena le ba kwa ba opela. Gabotse, seo ke se a mpitšago, "Diphefo tša go hloka khutšo."

E ka ba ka nako ye ke fihla mo, ke a nagana, "Šaatena, ke swanetše go no ya gae. Ke swanetše go bona mosadimogatša le digotlane. Ke no swanelo go ya kerekeng gatee gape le go rera." Ke tla mo, le go tla tlase le go rera gatee. Ka atla mosadimogatša wa ka le go gokara digotlane tšohle. Ka tšwela ntle ka serapeng go ripa bjang, gomme sefofane se ya godimo. Ke a ema, ka phumula mphufutšo go tloga sefahlegong sa ka, gomme ke nyaka go ya le yena. Felotsoko gape ke swanetše go ya. Gabotse, ke nagana ke swanetše go ya tlase *fale*. Gomme ke—ke ya tlase *fale*, gomme ke rera *fale* nakwana. Ke lebelelang go dikologa, fao go ya ye nngwe e tee godimo. Ke swanetše go ya le yona. Le a bona, fao ga go lefelo la go dula fase go nna. Ke no se kgone go e dira. Ke hloka khutšo, go šutha, lefelong go ya lefelong, se sengwe. Nka se kgone go e thusa. Ke se sengwe ka go nna. Gomme ke a tseba gore ke swanetše go se dira.

⁷⁵ Bjale, ka kerekeng, e ka seemong sa yona sa bjale, ke tla ikwa gampe go sepela go tloga fa. Gomme, naganang, go lena bohole

banna le dutšego fa, bao ke a dumela ke tla tsea Bokagosafelego le lena, godimo ka Nagengletago. Re na le banna ba bakaone, materiale wo mokaone, ba go tia, batho ba go kwega. Feela e se kgale go bile le tsošeletšo e phulegile ka kerekeng fa magareng ga batho. Moya o tlie magareng ga bona, wa thoma go fa dimpho. Ke e šeditše, go bona ge eba e tla ya ka go bohlanya. Nako le nako ge e thoma go sepela ka tsela yeo, Moya o tla e lekola le go e tliša morago *mo*. Ka gopola, “Tumišang Morena.” Le a bona? O no swara lefelo la gago fao. Seo se gabotse. Le a bona?

⁷⁶ Bjale, se megopolu ya ka e lego, ke se, ke ge go ka kgonega gore, ge ke thoma go ya felotsoko . . . Ga ke tsebe mo ke yago. Eupša nka se dule go iketla. Ga ke ye go dula mo. Ke no se kgone go e dira. Ke swanetše go sepelela felotsoko. Gomme go molaleng nka se dule fao eupša matšatši a se makae, ke sepelela felotsoko gape. Ke swanetše go ya felotsoko. Ga ke tsebe mo ke yago. Le Abraham ga se a tseba mo a bego a eya. O nno tshela noka le go thoma go tloga. Yeo ke phetho.

⁷⁷ Ke ikwela gore se re swanetšego go se dira mo, ka go nako ye ya bjale, ke a dumela gore re hloka kereke. Ke a nagana—ke nagana ntlo ya Modimo . . . O re, “Gabotse, eng, bea tšhelete yela yohle ka go yona ge Morena a eya go tla?” Gabotse, ke botse bofe go yago go bo dira go boloka tšhelete ge Morena a etla? Le a bona? Gomme ge batho ba beile thoko tšhelete bakeng sa kereke, ke mošomo wa rena, ka dibouto tše lekgolo fa, tše ke di tšerego bošegong bjoo, go aga kereke. Kafao, e ageng. Ke tla re, “E ageng. Ee, mohlomphegi.”

⁷⁸ Ga se ka tsoge ka hlagiša se pele, eupša ke nyaka go se dira pele ga lena banna. Ba be ba sa nyake basadi mo, ka baka la gore yo motee o itshamile ka tsela *ye*, le ka tsela *yela*. Bjale ke a leka, go le boča lebaka ke nyakago go e dira. Ke a nagana, ge Morena a etla beke ye e latelago, a re thomeng kereke beke ye. Ka nnete. A re Mo laetšeng. A re emeng mo lefelong la rena la mošomo. Ee, mohlomphegi. Gomme gona ge re . . . ge kereke e agilwe.

⁷⁹ Gobaneng? E re ge A . . . Go ka reng ge A le mengwaga ye lesome go tloga bjale? Go ka reng ge A le mengwaga ye masomepedi? Goba go ka reng ge A le mengwaga ye lekgolo? E ka ba eng e lego, ge A etla, seo ga se tshwenye. Re a tseba O tla be a re tlela pele ga nako yeo, gobane re ka se kgone go phela go e feta, mengwaga ye lekgolo bontši. O tla be a re tlela, eupša re swanetše go tlogela go arogana ka morago ga rena. Gomme ke naganne se. Gobaneng gona ke sa lese poto ya kereke fa, ke bolele le bona bjale, e age kereke yela? E beeng godimo fa. E direng ye bose, le lefelo le lebotse moo batho ba ka tloga.

⁸⁰ Ke tla šišinya, Ngwanešu Neville e be modiša wa kereke, ge feela kereke e mo šišinya go ba modiša. Yeo ke bouto ya kereke. Ge feela a swere lefelo lela la mošomo gomme a dula le Tumelo, a

nyaka go tla, a ikwela tlhahlo ya Morena, gona tlhahlo ya Morena go yena go dula, ge phuthego e bouta go swana.

⁸¹ Ka gona ke tla re, yo mongwe le yo mongwe wa banna ba ntle mo, banna ba bangwe ba, go swana le Ngwanešu Crase, le Ngwanešu Junior, bohle ba bona, ge feela ba ekwa mošomo wa bona mo lefelong lela, gomme ba amanywa mmogo mo. Le ka se ye tlase le go kopana le Methodist. Ga le na kopanelo le bona. Mabaptist, le a ya, le bolela ka go bolela ka maleme, le kolobetšo Leineng la Jesu, ba le ragela ka ntle, ka pela *goo*. [Ngwanešu Branham o thwantšha menwana ya gagwe—Mor.] Yeo ke mnete. O dula tikologong kua, o tla ba bjalo ka le—le leeba magareng ga sehlopha sa magokobu. O ka se be le kopanelo, le gatee. O tla hwa. Ga ke dire metlae ka Mamethodist le Mabaptist, bjale. Eelewang seo. Ga ke bolele seo. Ke no thala papetšo. Fao, ba bantši, bao Mamethodist le Mabaptist ke banna ba go loka, banna ba bomodimo. Eupša ke bolela ka kopanelo.

Go na le Ngwanešu leina la gagwe ke mang, morago kua bosegong bjo, mo—mo moebangedi o dutše morago kua, Ngwanešu J. T. Parnell. Ngwanešu Beeler. Ke a dumela, ngwanešu yo a dutšego fa. Ba bangwe ba . . . Ba bantši ba lena mo le banna ba Modimo, go bitša ka bophelong bja lena. Le ka kgona go dira se sengwe. Le no se dule tikologong. A re direng se sengwe. Ga le hwetše eupša soulo e tee e phološitšwe, dirang yeo e phološwe. Yo mongwe le yo mongwe wa rena.

⁸² Bjale, ke a nagana, kereke ye, ge lena banna le ka dira, ge le aga kereke ye, dirang se go swana le motsemošate wa lena, le go swana le Ngwanešu Neville mo a le bjalo ka mogolo yo mogolwane magareng ga lena. Le a bona? Gomme dinako tše dingwe o hwetša potšišo yeo o ka se kgonego go e ahlaahlal le kereke ya gago ntle fale, gona e tlišeng ka fa go Ngwanešu Neville, gomme lena bohle le e ahlaahle mmogo. Ge le sa kgone go tla go sephetho e ka ba sefe, ke tla be ke etla, gabotse ka pela, gona bohle re tla tla mmogo le yona.

⁸³ Gomme—gomme ka gona, ka kua, go hwetšang go katišwa ka go dihlopha tša lena beng, badiredi ba bangwe, banna ba le ba bonago ba ba nago le pitšo ka bophelong bja bona, bakeng sa bodiredi. Katišang ona masogana. Ba tlišeng ka fa go mogolo. Lena bohle le dula mmogo ka kopanong ya bodiredi, gomme fale rutang dilo tša go teba kudu tša Modimo. Le se yeng pele ka mafelelong a mabe. Bolokang yo mongwe yo le kgonago go ba le boitshepo ka go yena, go swana le mo—mo moetapele go lena. Gomme gona, dinako tše dingwe, ge le sa e bone feela tlwa ka tsela ye a dirago, a yago, seo se lokile. Le ka go Tumelo, go le bjalo. Nno sepelang mmogo. Mohlomongwe ge re etla mmogo, gona, bohle ba rena mmogo, re tla rapela; tlhatho ya Modimo e theogela tlase, gomme O tla e fa feela tlwa se e lego, le a bona, gomme a no re dira go tseba mokgwa wa go e dira.

⁸⁴ Gomme ka kua, dikereke di kgona go ya go kwa, le go katiša sehlopha sa banna. Gomme ge eba ke le mošomong wa boebangedi felotsoko, go ne mafelo nka kgonago go a bea, lefaseng ka bophara.

⁸⁵ Go ka reng ge nkabe ke le ka India, go ya morago India? Fao ke be ke tla re go batho ba, mohlomongwe, ke be ke tla ba le diketekete tša bona. Ka dula fale lebaka la beke goba tše pedi, gomme ba bona bodiredi. Ba a bo rata. Ba dumela gore ke Therešo. Ba tšwela ka ntle ga bohetene. Fao ke na le . . . gomme mohlomongwe ka go tše pedi goba tše tharo dibeke.

Ge ke be ke le godimo kua, mašego a mabedi, gomme mohlomongwe dikete tše lekgolo di sokologetše go Kriste; ga go felo go ya. Letšatši la go latela, ka tšeа sefofane le go thomiša morago go ya Roma, morago go ya United States. Ka ba tlogela feela boka dinku di beilwe ntle magareng ga diphiiri.

Go ka reng ge nkabe ke bile le sehlopha sa banna, masogana ba ba katišitšwego ka go Molaetša, le a bona, go re, “Bjale, ema motsotso. Pele ke tloga mo, re ya go bea dikereke tše ka lenaneo. Ke tla ba le monna. Ke šetše ke ba rometše thelekramo. Ba ne tšhelete. Ba tseleng ya bona fa, gonabjale, go iša pele se; monna wa go loka. Go ne masogana a mabedi goba a mararo le yena, ba ba tla bago bathuši le bathušani ba gagwe”?

⁸⁶ Gomme kerekere ya Tumelo ye e ka kgona go bewa kua, ye e tla bago lekale ka India, lekale ka Jeremane, lekale ka Switzerland. Gobaneng, gonabjale, re swanetše go ba re bile le bona gohle go dikologa ditšhaba moo ke bilego. Gomme Molaetša nako yeo, go tloga fao, go tla wo mongwe, go tšwa go wo mongwe go tla wo mongwe. Le bona se ke se rago?

⁸⁷ Bjale, gosasa bošego, goba letšatši ka morago ga gosasa bošego, le tla bona Mattsson-Boze a etla tlase fa, yo e lego mogwera wa ka. Le tla bona feela yo monnyane o tee, Moswede wa go golofala a se dirilego godimo kua ka Tanganyika. O ile ka kua. Gomme, bjale, Mattsson-Boze ke monna wa go loka, eupša ga a dumele Tumelo ye re e dumelago.

⁸⁸ Ke mo tšeetše ntle thwi, gomme ka mo tšeа le go no mo tlema go lefelo le le bjalo ka Lengwalong. Ke re, “Mattsson, ke wena mogwera wa ka. Bjale ga o ye go taboga goba go kitima. Re ya go no ema mo, re swarane diatla seng sa renas, bjalo ka banešu ba Bakriste, le go bolela.” Le a bona?

⁸⁹ Gomme ka bea Molaetša thwi go yena, gomme o tla no ema fale. O re, “Ngwanešu Branham, ka kgonthe o—o nepile.”

⁹⁰ Ke re, “Bjale, Mattsson, ga o dumele seo, goba o tla O amogela.”

⁹¹ “Gabotse, Ngwanešu Branham, ke—ke dumela se o se bolelago ke Therešo.”

⁹² “Gona gobaneng o sa O amogelete?” Le a bona? Go no O tshuma thwi tlase go yena. Gomme o—o, gona, ka pela ge a tloga, o ile. Le a bona?

⁹³ Eupša e nong go šetša se monna yola a se dirilego ka go maboromiwa a gagwe godimo kua, feela monna yo motee. Gobane, o kgonne go romela thwi morago Chicago le go topa Burton le bohole ka moka ga bona, a ba romele godimo ka kua ka mokgwa woo, gomme ba thoma ditiro tša mošomo. Go fihla, bjale ba ya godimo ka go masome a dikete, a tsošeletšo e tee ye nnyane. E sego monna ka dimpho, feela monna yo a bilego le thohleletšo go lekanelo go ya kua le go thoma.

Ke eng e ka bego be dirilwe ka tlase ga Le? E ka be e kgonne go be e bile le go beelwa ka go dimilione. Kgonthe. Re lobile nako yela. Seo ke se tšišinyo ga ka e bego e tla ba.

⁹⁴ Bjale elelwang, go direng se, le tla hwetša, go ka no ba dinako tseo le ka ganetšanago le Ngwanešu *Semangmang*. Le tla ganetšana godimo fa. Gomme elelwang, ge feela o fihla go lefelo, o re, “Gabotse, gobane ga a Le dumele feela boka nna, ga ke ye go . . .” gona go ne se sengwe sa phošo ka wena. Ga se phošo ka moisa yo mongwe. Ke se sengwe sa phošo ka wena. Ge, baena ba ba lekago go swara mmogo!

⁹⁵ Go na le selo se tee, rena ba Branham, go na le ba senyane ba rena, gomme re tla lwa bjalo ka dimpša tša go ruiwa. Eupša, morago ga tšohle, ge re feditše go lwa, re be re sa le ba Branham. Yo motee o tsebile yo mongwe o be a le Branham. Ke tsebile o be a le Branham. O tsebile ke be ke le Branham. Le a bona? Eupša re tla lwa. O dira seo ka lapeng la gago, eupša ba sa le banešu ba gago.

Ke ka tsela ye go lego. Re ka no fapano, seo se lokile, eupša re sa le batee. Re batee ka go Kriste. Re dumela Molaetša wo, gomme a re duleng le Wona.

⁹⁶ Gomme ke nagana gore seo ke selo go se dira, go tšwelapele go ya pele, go fihla Jesu a etla. Gomme seo ke se ke bego ke nyaka go se bolela ka mokgwa woo. Gomme ke a dumela ge o ka rata . . .

⁹⁷ Le a bona, o swanetše go ba mafolofolo ka Lona. Ge o se mafolofolo, gona go ne se sengwe sa phošo. Go ne se sengwe sa phošo. O ne, o no se re, “Gabotse, kgwedi ya go feta gabotse ke be ke le mafolofolo, eupša ga ke tsebe.” Le a bona, gona go ne se sengwe sa phošo felotsoko. O swanetše go ba mafolofolo, nako yohle, le a bona, le go no tšwelapele o betha. Ke diabolo, a leka go go hwetša.

Boka, ka mehla ke ratile mopresidente wa rena wa mafelelo, Mna. Eisenhower. Ke bile le kgahlego ye kgolo bakeng sa Mogeneralia Eisenhower. O rile, “Ge re be re elwa,” o rile, “go ne makga a mantši re topile šele gomme ra e lahlela ka sethunyeng, gomme ra goga hamola godimo ga yona, le go e tlogela a ewa, gomme ya kotobana. Ga se ya tloga.” O rile, “Ga se re ineele.” O

rile, "Re ka no ba re beile ka gare ye nngwe, gomme e kotobetše, le yona." O rile, "Ga se re ineele." O rile, "Re tšwetšepele go kotobetše go fihla ye nngwe e rifogile."

⁹⁸ Yeo ke yona. Yeo ke tsela go thopa ntwa. Tšwelapele o leka. Lahlela šele ka gare gomme o e goge. O na le morero, senepša go betha. Gomme ge se sa rifoge, e lahlele ntle, gomme lahlela ye nngwe ka gare, gomme o e leke gape. E lahlele ka gare gomme o e leke gape, go fihla e tee e rifoga. Go na le e tee ya tšona ka kua ye e phelago, gomme e tee ya tšona e tla rifoga. Eupša yeo ke tsela ye re swanetšego go dira. E no tšwelangpele le thunya, le thunya, go fihla se sengwe se direga.

⁹⁹ Ke dira eng? Ke a thunya bjale. Ke ya ntle mo, ga ke tsebe le... ntle tlhahlo ye nngwe le ye nngwe.

Boikarabelo! Dimilione tša batho ba go lebeletše, "O ya go dira eng? Mosepelo wo o latelago ke eng?" Ba bangwe ba nagana ke hwile. Ba bangwe ba nagana se. Ebile le sethunya sela se thuntše, letšatši le lengwe, ba rile ke be ke leka go ipolaya. Se sengwe le se sengwe, le a bona, ntle go dikologa naga, le se sengwe le se sengwe. Le a bona? Eupša le na le tšohle tšeо le kopanago le tšona. Gona, le na le morwalo wa batho.

¹⁰⁰ Gomme e nong go eleletša, go ka reng ge Modimo a ka bea godimo ga lena, gore o tsebile pelo ya batho bao o bego o bolela le bona? Naganang ka seo. Le a bona? Baena, mohlomongwe, ke a tseba le na le merwalo, eupša ga le kwešiše. Gomme ntle le seo, mo, le na le boikarabelo mo.

¹⁰¹ O re, "Gabotse, seo se swanetše go ba bonolo go wena, Ngwanešu Branham. E ka ba eng go dira, Modimo o no go botša." Aowa. Ga A dire. Ke tšwa mphufutšo, go no swana le ge o dira, gomme ka moka bothata kudu. Nnete. Ke swanetše go tšwa mphufutšo thatathata go feta ka mo o dirago.

Gomme fao go ya go nyakega bontši go nna. Moo o swanetšego go arabelela kereke, moo o swanetšego go arabelela lapa la gago, goba mohlomongwe feela go wenamong, le a bona, go na le dimilione tša disoulo ke swanetšego go di arabelela. Ke swanetše go tseba mesepelo ya ka. Gomme ge Sathane a go ketola, bakeng sa soulo e tee, goba disoulo di se kae tšeо o tla di tanyago, go reng ka ntle mo fao dimilione di dutšego ka lenaneo? Ke methuthupo ye mekae bontši a e lahletšego ka kua? Le a bona? Kafao le na le bontši ka moka go elelwa, baena. Gore, ga go makatše ke a tšhoga dinako tše dingwe. Kgonthе.

¹⁰² Eupša bjale ke a foša letswele gonabjale. Ke lahlela šele ka gare. Ge e thunya, šele yona. Ge e sa thunye, nka se tlogele. Ke tla lahlela yeo ntle, bjalo ka modumo, le go leka ye nngwe. E tee ya tšona e ya go rifoga. Seo ke ka moka se lego go yona. E tee ya tšona e ya go thunya, felotsoko. Gona, ke—ke nyaka go ba go senepša, kafao, ge e thunya, ke tla betha selo seo ke se thunyago. Gomme bjale le tseba se ke se rago. Ke ne kgonthе. Le a bona?

Go ne se sengwe, felotsoko. Ke a tloga bakeng sa dikopano tše, go no phonkgela ntle mošola. Ga ke nepe go ruta dilo tše kgolo tše ke le rutago batho.

¹⁰³ Le elelwa se toro yela, ye ke hweditšego tlhathollo, e bilego? “Eya morago le go boloka Dijo.” Ntlo ya bobolokelo e be e le kae? Tabarenenekele ye. Ke kae moo go nago le e ka ba eng boka yona ka nageng, tikologong fa e ka ba kae, yeo e tla bapelago le Molaetša woo re nago le wona?

Bjale, nnete, banešu ba bannyane ba rena mo ba ba lego ntle mmogo mo, dikereke tše dingwe tše nnyane tše, ke rena. Re batee.

O tla ya kae, go E hwetša? Laetša papetšo ya Yona kae kapa kae. O ya thwi ntle ka go dithutotumelo tša kerekeleina. O tla ya thwi ntle go tloga Leineng la Morena Jesu. O tla ya thwi ntle go tloga go dilo tše dingwe tše. Le a bona? Gomme mo ke moo Dijo di bolokilwego.

¹⁰⁴ Gabotse, Molaetša o tee woo ke o rerago fa go lena bohole . . . Lebelelang, ke be ke rera go lena go tloga go e tee go ya go diiri tše tshela, ka Molaetša. Gabotse, ge ke ile ka swanela go šomiša wo mongwe wa Molaetša wola, ke be ke tla tše beke go O tše, feela gannyane nthathana *mo* le gannyane nthathana *mola*, le a bona, gobane O be o bolokwa godimo mo.

¹⁰⁵ O godimo ga ditheipi. O tla ya lefase ka bophara godimo ga ditheipi, moo batho ka dintlong tša bona. Tšona ditheipi di tla wela thwi ka diatleng tša bakgethelwapele ba Modimo. A ka kgona go šupetša Lentšu, O tla šupetša se sengwe le se sengwe feela tlwa go lebaka la sona. Ke ka baka leo A nthomilego morago go dira se: “Boloka Dijo godimo mo.” O nkiletša go ya mošwamawatle.

¹⁰⁶ Ngwanešu Arganbright o rile, “Gabotse, etla, sepela. O ne bošego bjo bongwe, eupša re tla go tše leeto la baeti gohle go dikologa naga.” Tsela ye ke bonego Ngwanešu Fred le Ngwanešu Banks ba leka go ya.

¹⁰⁷ Ke rile, “Nka se ye ka tsela yeo.” Le a bona? Go laeditše gore go be go le se sengwe gape.

¹⁰⁸ Ke gatelela thwi godimo go leswao bjale, eupša ga ke tsebe ke ye ka tsela efe. Eupša go na le dibetša di robetše gohle go ntikologa. A O mpileditše morago go boebangedi? A O mpileditše go maboromiwa a šele? A O mpileditše go ba moprofeta wa Gagwe? A ke tla ba modiša felotsoko? E ka ba eng ke swanetšego go e dira, ke tla no tšwelapele ke lahlela šele ka gare gomme ke goga notwana godimo ga yona. E tee ya tšona e tla rifoga. Eupša ke no se ye go dula le go lebela, ka re, “Morena, O bea šele ka sethunyeng.” Ke ya go bea šele ka go sethunya, go dira go goga nnamong. A nke A dire go thunya. Ke Yena a swanetšego go hlokomela seo. A nke ke no tšwelapele ke eya pele.

¹⁰⁹ Ntle, ge ke eya pele dikopanong tše bjale, ke no ya ntle. Ga ke tsebe. Ke, nka—nka no se bolele selo se tee ka Molaetša wo boka ke rera fa. Ebile nka no se be le bošego bjo botee bja go hlatha. Ga ke tsebe. Ke no ya, ke sa tsebe se ke ya go dira eng. Nka se kgone go le botša. Ke no ya, gomme seo ke feela.

¹¹⁰ Gomme yeo ke tsela ye o swanetšego go dira. O na le se sengwe ka monaganong. Batho mo ba nyaka kereke. E ageng. Ka pela ka mo le kgonago, e tsošeng. Hwetšang barutiši ba lena le dilo.

Lena baena ntle mošola, ka dikereke tša lena tše nnyane, gomme le nyaka, le dira mošomo, Modimo o tla le putsa bakeng sa seo. Eya ntle kua, rera, dira se sengwe le se sengwe o kgonago. A nke lena bohole le tle mmogo, lena sehlopha sa banna, gomme le be le dikopano, le go bolela ka dilo tša go teba tša Lengwalo.

Gomme, rapelang. Le se ke—le se ke la no tla mo go kgobokana, ntle le ge le ka tlela kopano ya thapelo o nnoši. Dira go rapela ga gago ka sephiring. Dula ntle ka mafelong. Eya ka dikamoreng tša gago. Ikute ntle felotsoko. Gomme e no khunama fase, gomme e no dula pele ga Modimo, le go dula fao.

Ka gona ge o hwetša, go lebega o ka re se sengwe se sepelela godimo, oo, o no ya, gomme o hwetša e ba gannyane nthathana go tloga go Lentšu, gona hlokomela. Ga go kgathale e lebega botse bjang, ema thwi fao. Moya wa go fošagala o go rathile. Ka baka la gore, Molaetša wa letšatši le ke go Lentšu. Le a bona? O se ke... Le a bona?

¹¹¹ Ge o re, “Oo, nna, Ngwanešu Branham! Ke go botša *bjalo le bjalo*. Gobaneng, *Semangmang* o eme bošego bjo bongwe, selo se sengwe se se diregile ka mokgwa *wo*.”

E šetšeng. E šetšeng kgauswi. Le se bolele selo. E no leta gomme o bone ka fao e diragatšago, gomme morago wa e tliša go Lentšu gomme o bone ka fao e bapelago le Lentšu. Ka gona, ge e bapela le Lentšu, gomme se sengwe le se sengwe se gabotse, leboga Modimo, gomme e no tšwela pele o eya pele gona, le a bona, feela ge e dula ka go Lentšu. Yeo ke kgopolu ya ka, se ke naganago le swanetše go se dira.

¹¹² Ngwanešu Neville, Ngwanešu Ruddell, Ngwanešu Crase, le Ngwanešu Beeler, le lena bohole baena fa, Junie, e ka ba kae o lego, le lena bohole baena, Modimo a le šegofatše wa go huma.

Ke bona Terry, Lynn, Charlie Cox, David, bontši bja lena masogana mo. Modimo o a le tlotsa. Nna! Ka fao ke nyakago go topa go tlala seatla ga lena, go ba boebangedi, le go le bea felotsoko, le a bona, go tseba gore le tlide godimo. O ka kgona go ema le go tseba Molaetša, le go ithuta, go netefatša wenamong, o ikwela pitšo ka bophelong bja gago. Ke bona masogana a mabedi goba a mararo, le ba bane goba ba bahlano, ba dutše, go mothaladi wo mongwe morago *fa*, le—le ka mokgwa wola. O lesogana. Ke a tšofala. Ngwanešu Neville o a tšofala. Re banna

ba mengwaga ya magareng. Ge nako e tokologela pele, re ya go sepela go tloga go lefelotiragalo, ka morago ga lebakana. Le swanetše go tsea legato la rena. Le a bona? Gomme kafao, le a bona, gomme gona, mohlomongwe, ka go letšatši leo, ebile go tla gola boglwane, ge eba go ne gosasa.

¹¹³ Eupša ge go sa na le lehono, a re šomeng ge e sa le letšatši. Bosasa bo ka no se tsoge bja tla. Ge bo ka dira, a re itokišeng bakeng sa bjona. Le bona se ke se rago? Bjale, seo ke se ke tla se naganago, go lena.

¹¹⁴ A go tla makatša go bona ngwanešu godimo kua go tšwa Utica, Ngwanešu Crase, lena bohle baena ba bangwe mo, le etla mmogo, le kopana, le etla ka lefelong. Lena badiredi le dutše mmogo le go ahlaahla dilo. Le swanetše go ba le kopanelo felotsoko. Le swanetše go ba le se sengwe, go tla mmogo, mohuta wa go tla mmogo mabapi. Lena bohle le tla mmogo bjalo ka sehlopha sa banna le go dumela yo motee le yo mongwe, le ka mokgwa woo, le go ahlaahla mathata a, le go dula ntle, mohlomongwe, gatee ka kgwedi, feela badiredi ba nnoši. A nke le kopane felotsoko ka go ye nngwe ya dikereke tša lena. Dulang fale gomme le ahlaahle, gomme le e bolele, yo mongwe le yo mongwe wa lena badiša, le baebangedi, le e ka ba eng le lego.

Gomme ka gona ge bothata bjo bongwe bjo bogolo bo etla godimo, o ka se kgone go bo fedija, gona, ge ke bitšwa ka tšhemong ya boebangedi. Ga ke tsebe gore ke tla ba. Ge ke tla ba, le a tseba ke tla be ke etla morago, kgafetšakgafetša, nako yohle. Gomme ka gona ge le hwetša dilo tše, gona, ge ke etla morago mo, gabotse, re tla kopana mmogo le go no dula fase kua. Yo motee wa lena o na le pitšo ka bophelong bja gago... Re ka se be le go swana le dipoledišanonyakišio tsa sephiri le dilo tše re bego re na le tšona. Re tla no tla thwi mmogo, le go dula fao go fihla re eba le O RIALO MORENA.

¹¹⁵ Gomme ge o ka kgona go hwetša bareri go otlologa, gomme yena a eya gabotse, lebelela se a yago go se dira. O ya go huetša... Go tla hlokomela makgolo a dilo tše. Yeo ke yona. Re no be re itia, le a bona. O swanetše go e hweletša tshepedišo, tshepedišo ya Modimo.

¹¹⁶ Boka Jethero a boletše go Moshe, "Gobaneng, o ka se fenye tšohle tša tšona." Goba, gomme Modimo o beile bagolo ntle kua, masomešupa a bona. Gomme o tšere Moya o bego o le go Moshe, gomme o o beile godimo ga bagolo bale ba masomešupa. Gomme ba profetile. Gomme ga se ya fokodiša Moshe le gannyane. E mo tiišeditše. O be a no ba le seprofeto se sentši ka go yena bjalo ka ge a dirile pele ba tsea Moya go tloga go yena, go profeta. Le a bona? O nno aroganya, o rile, "Bjale, Moshe, a nke ba ahlole dilo tše dinnyane. Gomme, eupša, ge go etla go dilo tše kgolo, o tla ka gare le bona le go ba thuša ka mokgwa woo."

¹¹⁷ Bjale, yeo ke tsela. Yeo e be e le tsela ya Modimo morago kua. Yeo e be e le tsela ya Modimo ka go—ka go Lebaka la Kereke la pelepele. Gomme ke a dumela ke tsela ya Modimo bjale, thwi, go rena go e dira. Kafao, a re e direng. E nong go tlogela go bolela ka yona, le go e dira. Seo ke sohle. Re ka kgona go e dira ka mogau wa Modimo. A ga le e dumele?

Bjale, bjale, a re boneng. Oo, ke šetše ke tšere nako ya ka.

¹¹⁸ Eupša Billy o ngwadile noute mo. Motsotso feela, ke tla bona se e lego sona. “Ke tšwa New Albany. Morwedi Grace, Sepetlele sa Segopotšo, o robile letsogo la gagwe. O nyaka thapelo bakeng sa gagwe. T-r-o-u-b, W. C. Troub.” Troub, se sengwe boka seo.

A re beng le thapelo bakeng sa mohumagadi yo moswa yo.

¹¹⁹ Tate wa rena wa Magodimong, bjalo ka ge re bolela bjale, gomme ke nagana gore mohlomongwe ge Irenaeus a lebeletše ntle godimo ga sehlopha sa gagwe se sennyane sa banna, mohlomongwe e be e le sehlopha se sennyane kudu go feta se se lego mo bošegong bjo. Gomme ba be ba se ne setulo go dula ka go sona. Ba dutše godimo ga selepe sa kgale sa go tonya sa leswika. Gomme ba dutše fale, gomme o boletše le bona. Banna bale ba ile ntle ebile le ge, go ya, ba a tseba gore ba ka kgona go fepša go ditau, dihlogo tša bona di ripilwe. Eupša Tumelo ya botate ba rena e sa phela, le ge go le kgolego, kgabo le tšoša.

¹²⁰ Ke a Go leboga bakeng sa banna ba, Morena. Ke a rapela gore O tla ba šegofatša. Gomme ke šegofatša yo mongwe le yo mongwe wa bona, ka Leina la Gago, gore O tla ba boloka ka Tumelong yeo e ilego ya fiwa bakgethwa gatee, yeo ba ka se tsoge ba fapano go tloga go yona. Gomme go tšwa go sehlopha se a nke O romele badiša, barutiši, baebangedi. O Modimo, e fe. Gomme a nke ba sware sebo, mogohle, e ka ba kae ba lego. A nke ba šome kgafetša go fihla Jesu a etla.

¹²¹ Gomme bjale, Tate, ke rapelela ye nngwe le ye nngwe ya dikgopelo tše tše di tlago ka fa bošegong bjo, le go kgopela gore O tla gopola mohumagadi yo monnyane yo tlase mo, yo a sa tšwago go roba letsogo la gagwe. A nke maatla a Modimo Ramaatlakamoka a mo fodiše le go mo dira a welwe ke maruru. E fe, Morena. Ke a rapela gore O tla mo thuša le go mo šegofatša. Šegofatša baratwa ba gagwe bakeng sa go bitša. Gomme a nke maatla ao a tsošitšego Jesu go tšwa lebitleng a phagamiše mosetsana yo. A nke letsogo la gagwe le fole.

¹²² Dikgopelo tšohle tše di dirilwe go bolelwa bošegong bjo! Mošemanе yola wa go šokiša a robetše fale, yoo a swerego se, ke kwele ngwanešu a e bega, gore bo-bo bolwetši bja Hodgkin bo mo jеле go fihla sefahlego sa gagwe se tšhumilwe, ka radiamo le dilo tše ba mo fago. Modimo, eba le kgaogelo go mošemanе yola. Mo dumelele a phele.

Re nagana ka monna yola yoo a sa lokišago go kopana le Wena, gomme o ile pele bjale; mosadimogatša wa gagwe ka hlogo ya go pšhatlagana. Ngwana yo a filwego! Tšohle tše dingwe tše!

Kgaetšedi Bruce, a rwele meetse ale. O a tšofala, Tate. Gomme fale o tšhumile matsogo a gagwe, gomme godimo le fase mmeleng wa gagwe. Re a mo rapelela. Go molaleng o sepetlele. Gomme re a rapela gore o tla mo lokolla le go mo tliša ntle. E fe, Tate. Re kgopela ditšhegofatšo tše Leineng la Jesu Kriste. Amene.

¹²³ Bjale ke nyaka go le botšiša se sengwe, le go le botšiša ge—ge le dumela gore re ne nako feela bakeng sa nthathana ye nnyane ya Lentšu. A le na le yona? [Phuthego e re, “Ee.”—Mor.] Feel a bakeng sa . . . Bjale ke, ke a tseba, go thari gannyane, eupša ke bile le se sengwe se sennyane fa seo ke se nagannego lehono, seo ke tla ratago go—go bolela ka sona, feela motsotso, gomme se ka le thuša.

Gomme ke naganne, sa pele, gore ke tla tsebiša se. Bjale, e godimo ga theipi ye. Gomme ge yo mongwe a ka tsoge a nyaka go lebelela go yona, Jim o tla ba le yona, le a bona, go se ke naganago se swanetše go dirwa, gomme bjale se se swanetšego go dirwa go . . . lena baena.

¹²⁴ Bjale, a le a tseba, ge banna bale ba pelepele ba ile ntle, dinako tše dingwe go be go le feela e ka ba tshela goba seswai sa bona, mmogo? Gomme ba šikintše naga. Gabotse, le a tseba, ge Aquila le Priscilla, tsošeletšo ye kgolo yela Apollo a bego a na le yona godimo kua, go be go le feela e ka ba banna ba tshela goba ba seswai le basadi ka go sehlopha sela. Kereke ka moka, e be e era tshela goba seswai. Le na le tlhano goba tshela, makga a šupa bontši mo bošegong bjo bjalo ka ge ba bile nako yela.

¹²⁵ Le a tseba, Jesu o bile feela le baapostola ba lesomepedi. Ka mehla re nagana se sengwe se segolo. Eupša Modimo ga a šome ka go tšona dinomoro tše kgolo. E ka go dihlopha tše dinnyane tše ke moo A e hwetšago. Le a bona? Lebelelang gohle go theoga go kgabola lebaka, nako efe kapa efe A kilego a kopana le banna. E be e le ka go dihlopha tše dinnyane, le a bona, gomme o boletše le bona, gomme o ba beetše. Ke kgahlego botse ya Modimo go dira seo. Yeo ke tsela ye A ratago go e dira. Gomme bjale re no nyaka go boloka Modimo magareng ga rena, le go ya, go dira dilo tše.

¹²⁶ Bjale, Lamorena mosong, Morena ge a rata, ke nyaka go bolela le lena ka *Boebangedi Bja Nako Ya Mantšiboa*. Gomme ka gona ke tla, ge Morena a dumelela, go molaleng ke tla be ke tloga go fihla thari marega a, le pele ke bowa gape. Ka kgonagalo ke tla tla morago nako ye nngwe, go dikologa ka Setemere.

Gomme bjale ke a holofela, ka nako yeo, gore se sengwe le se sengwe se tla sepela ka go makatša go lena baena, gomme dikopano tša lena di tla gola ka dinomoro, gomme mogau wa

Modimo o be godimo ga lena bohle, go fihla re kopana. Gomme ke a tshepa gore le tla nthapediša, le katlego.

Elelwang, dithapelo tša lena go nna, seo se ra gore le badirišani ba ka. Lena le—lena le mokgotsi wa ka, mothuši wa ka. Gomme, mmogo, re bathuši Moreneng. Gomme bjale, ge ke eme ntle kua pele ga lenaba, Ke—ke nyaka go elelwa ale a go botega, mašole a therešo ao a hwetšago thapelo a arabilwe bakeng sa balwetši le batlaišwa, gomme banna bale ba a nthapediša. Ke nna yo a e hlokago ntle kua. Ka kgonthe ke a e hloka. Kafao, lena bohle nthapedišeng ge le kgobokana. Le se ntebale, ka kopanong e ka ba efe. Nthapedišeng.

¹²⁷ Bjale, ka go Mokgethwa Johane, tema ya 9, ke nyaka go bala go tloga go temana ya 26 go ya go ya 35, bjale, feela lebaka la metsotso e se mekae. Gomme ka gona re tla—re tla tswalela ka go metsotso ye masompedi goba masometharo ya go latela, goba mohlomongwe pele ga nako yeo, Morena ge a rata. Ke nyaka go bala Mangwalo a bjale go tšwa go Mokgethwa Johane, 26 go ya go . . . Mokgethwa Johane 9:26-35, Ke ngwadile fase mo, feela se sengwe ke bego ke nagana ka sona.

Ka gona ba rile go yena gape, O dirile eng go wena? o butše mahlo a gago bjang?

Gomme o ba arabile, ke šetše ke le boditše, gomme ga se le kwe: kagona le tla kwa . . . gape? a le nyaka go ba barutiwa ba gagwe?

Ka gona ba mo roga, gomme ba re, Wena o barutiwa ba gagwe; eupša re barutiwa ba Moshe.

Re a tseba gore Modimo o boletše go Moshe: eupša go moisa yo, ga re tsebe moo a tšwago.

Monna o fetotše gomme o rile go bona, Gobaneng selo sa go makatša sese, gore ga le tsebe moo a tšwago, gomme efela o butše mahlo a ka.

Bjale re a tseba gore Modimo ga a kwe badiradibe: eupša ge motho e ka ba ofe a le morapedi wa Modimo, gomme a dira thato ya gagwe, yena o a mo kwa.

Ge e sa le lefase le thomile ga se go kwewe gore motho e ka ba ofe o budulotše mahlo a yena yoo a tswetšwego a foufetše.

Ge monna yo a be a se wa Modimo, o be a ka se kgone go dira selo.

Ka gona ba araba . . . Ba arabile gomme ba re go yena, Wena gohlegohle o tswaletšwe ka sebeng, gomme a o a re ruta? Gomme ba mo lahletše ntle.

Gomme Jesu o kwele gore ba mo lahletše ntle; gomme ge a mo hweditše, o rile go yena, A o dumela go Morwa wa Modimo?

¹²⁸ Bjale ke rata go bolela feela metsotso e se mekae go lena baena, go tsebeng gore, polelo ya ka ye nnyane fa, ga ke tsebe se se tla bago ka yona. Go tshepa gore Modimo o tla e šomiša ka tsela ye nngwe. Gomme bjale ka go se, godimo ga Lentšu la Gagwe, kafao ke a tseba gore Ngwanešu Sink, Ngwanešu Neville goba yo mongwe wa lena badiredi, ka mehla le a rera. Gomme go no ba fa le lena, le tla ntshwarela, ke tla no rata go bolela le lena gannyane nthathana ka mokgwa wo.

¹²⁹ Bjale ke nyaka go tsea thuto fa ya: *Go Tsea Mahlakore Le Jesu*. Bafarisei le baetapele ba letšatši la Gagwe ka mehla ba lekile go Mo nyatšiša pele ga batho. Yeo e be e no ba tsela ye diabolo a bego a na le yona ya go šoma. Bafarisei bohole le barutiši ba letšatši la Gagwe kgafetšakgafetša ba lekile go nyatšiša Jesu. Bona, ditlakala tšohle ba bego ba ka kgonà go Mo fa, ba e dirile. Ba Mo šeditše, kgafetšakgafetša, go hwetša moo ba ka go hwetša phošo. Gomme ga se nke ba bolela ka dilo tša Gagwe tše botse. Ka mehla ba be ba hwetša se sengwe se ba bego ba ka kgonà go Mo nyatšiša ka sona, le go re, “Le a bona, lebelelang mo. Ge A be a le monna wa Modimo, O be a ka se e dire ka tsela *ye*.” Goba, “Ge A be a le monna wa Modimo, O be a ka se e dire ka tsela *yela*.” Ba be ba leka go lahlela moriti godimo ga Gagwe, go dira batho go se Mo dumele. Woo ke mošomo wa diabolo.

¹³⁰ Gomme sekimi sela sa kgale ga se sa ke sa ema. Go ne makga a mantši gore modiredi o tla dira phošo. Gomme ge a etla ka boagišaneng, ngwanešu yo bohlokwa yo a lekago go dira se se lokilego, le go etapele batho gabotse; se sengwe le se sengwe se diabolo a ka kgonago go šupa go mosedumele goba yo a bitšwago Mokriste, ka boagišaneng bjoo, go lahlela go monna yola, o tla e dira.

Le a tseba, tsela ya kgonthe ya Bokriste ke go uta se sengwe le se sengwe o kgonago go tloga go ngwaneshu. O se ke wa bolela dilo tša gagwe tše mpe. E no bolela dilo tša gagwe tše botse. E no bolela se o tsebago ka yena ke se sebotse. Ge e ka ba eng e le ye mpe, e tlogele e mnoši. Moisa wa go šokiša o na le go lekanelo kgahlanong le yena, go le bjalo. Se leke go tsea kota le go kgoromeletša monna kgolekgole ka mokoting. Mokgwatebelelo wa Mokriste ke go mo kuka le go mo ntšha ka mokoting. Le a bona? O se tsoge wa leka go mo kgoromeletša fase. O fase, šetše. Leka go mo thuša go ema. Gomme, eupša, bontši kudu bja rena lehono, batho ba bantši kudu lehono, nka no re, ba leka go dira seo, ge ba ka no hwetša se sengwe se sengwe seo ba ka kgonago go se bolela, seo se bego se befile ka kgonthe.

¹³¹ Bjale, mohlala, ge—ge yo mongwe wa lena baena a ka dira phošo le go dira se sengwe sa phošo; yeo, o ne kgonagalo go e dira; ke a dira, le nna; yo mongwe le yo mongwe wa rena. Eupša, ge re eya pele, a re elelweng re banešu. Re banešu. Gomme ge re na le go lwa mo go itšego, a re lweng yo motee le yo mongwe. E tlišeng mmogo. E tlišeng pele ga baena ba rena gomme le e rarolle.

¹³² Bjale, ba be ba fela, ka lapeng la Branham, ge yo mongwe wa ba bannyane a dirile se sengwe, ba be ba eya go botša Bill ka yona, gobane ke be ke le yo mogologolo. Gomme ke be ke swanela go ema fale le go bona ke ofe a bego a nepile le wa phošo. Gabotse, sephetho sa ka e be e le gore, ge ba...ke ofe a bego a nepile le wa phošo. Ge ba be ba sa e dumela go le bjalo, gona ba tlie go dikologa ka morago ga mokokotlo wa ka gomme ba lwa le yona. Eupša ba be ba sa le banešu, le a bona. Ba be ba tla lwa ka serapeng sa ka morago, yo motee go yo mongwe; le go lwela ka jarateng ya ka pele, bona seng. Kafao yeo ke tsela go bilego, le a bona, gomme ba be ba sa le banešu.

¹³³ Gabotse, yeo, yeo ke tsela ye re—re swanetšego go dira se. Le a bona? Ge o na le se sengwe kgahlanong le yo mongwe, ngwaneno, o se ke wa botša yo mongwe gape ka sona. Ge e le phošo, eya go yena gomme o mmotše. Gomme ka gona ge a eya go ngangišana le wena, gona tšea yo mongwe gape le wena. Gona e tliše godimo ka tsela ye Beibele e boletšego.

¹³⁴ Eupša, Jesu, ba—ba nno leka go hwetša moriti wo mongwe le wo mongwe wo monnyane woo ba kgonnego go o hwetša, go leka go Mo nyatšiša mo pele ga batho.

Gomme seo ke se diabolo a se nyakago. Ba nyaka go—ba nyaka go gobatša khuetšo ya lena pele ga batho. Ke ka tsela yeo le nyakago go hlokomela seo le se dirago. Sepelang boka banna ba kgonthe ba Modimo. Bolelang boka banna ba Modimo. Le a bona? Itshwareng boka banna ba Modimo. Phelang boka banna ba Modimo. Gobane, “Diabolo, lenaba la lena, o ya go dikologa boka tau ye e rorago, go leka go metša yo a kgonago.”

¹³⁵ Gobaneng ba dirile se? Ba be ba ne mona ka Yena. Ke ka lebaka leo ba lekilego go Mo nyatšiša. Ba be ba ne mona ka bodiredi bja Gagwe. Gomme ke ka lebaka leo ba bego ba leka go nyatšiša. Gabotse, O bile le bodiredi bja Modimo, gomme ba tsebile seo, eupša Bo be bo le kgahlanong le thutotumelo ya bona. Kafao ba be ba leka go Mo nyatšiša, go dira se sengwe le se sengwe A...bošaedi bjo bongwe le bjo bongwe bjo bonnyane bjoo ba kgonnego go bo hwetša, go Mo tloša tseleng. Ba be ba Mo nyaka gore a tlogele. Ba be ba nyaka batho go Mo latola.

Ba nyakile go re, “Bjale, Mothaka yo ga se selo. Lebelelang fa. Bjale, šole Yena. O—O—O dirile se, gomme le a tseba seo ga sa loka. Re rutilwe, bophelo bja rena bjohle, gore re swanetše go dumela bagolo. Gomme šo Yena, o eme thwi fale le go tlhahlamolla mogolo yola. O ganana le motlwae wa botate. Gomme re bile...Re swanetše go dumela motlwae wa botate. Re rutilwe seo, ke rabi yo mongwe le yo mongwe, mengwaga yohle go kgabola. Gomme fa Monna yo o tla go dikologa gomme a ganetšana le bona. Le a bona? Gobaneng, Monna boka yola ga se a swanela go ba moreri.” Le a bona? Ba be ba leka go Mo nyatšiša.

¹³⁶ Eupša, ka go tseo tšohle, bona bao ba Mo dumetšego le go Mo rata, gomme ba bone a Gagwe a Lengwalo, maswao a mohlolo, ba ka se šitišwe ke bona. Aowa, mohlomphegi. Bona ba ba Mo dumetšego ba Mo dumetše. Bale ba Mo ratilego ba eme hleng le Yena. Ba be ba sa bone se ba bangwe ba bego ba se šupa ntle go bona.

¹³⁷ Oo, ge re ka kgona go ba seo! Ge re ka no se kgone go bona. Ge yo mongwe a ka tla tikologong fa, a re, “O a tseba ke eng? Ba re o mopentecostal.”

“E sego ka kerekeleina.”

“Gabotse, o be o le... Wena, o bona mohuta woo o kolobetšago ka Leina la Jesu.”

“Ya. Yeo ke nnete.”

¹³⁸ “Gabotse, a nke ke go botše se sengwe. Ke tseba monna, nako ye nngwe, o kolobeditšwe ka mokgwa wola, gomme o dirile *bjalo le bjalo*.”

¹³⁹ Eupša lebelelang, seo ga se na selo go dira le Yona. Ke diabolo, a leka go lahlela moriti godimo ga gago. Ka mehla ba leka go le šupetša go sekepe tsoko sa kgale se se tlhekemanego godimo ga leši la lewatle, eupša ga ba go šupetše go sona sela seo se dirilego leeto ka polokego. Yeo ke nnete. Le a bona? Yeo ke nnete.

¹⁴⁰ Ka mehla ba leka go lahlela tšeletši ya legokubu ntle kua, le go re, “Wo ke mohlala. *Sese* se se e dirilego. Ke tseba moreri yo mongwe yo e bego e le moreri wa bokgethwa, gomme o dirile *se, sela, goba se sengwe*.” Eupša ga ba šupe ntle ba bangwe bao e bego e se ba bokgethwa, ba dirilego seo le bona, le a bona. Gomme ga ba šupe dilo tše kgolo tseo Modimo a di dirilego.

¹⁴¹ Boka yo mongwe a re, “Oo, *fa* monna yo o ile kgole kudu. Yena, o ile kgole kudu.” A ka no ba a dirile seo. “O ikgehlemantše yenamong. O ile kgole kudu. O bile lehlanya.” A ka no ba a dirile seo. Eupša ge ba šupa go ke ba bakae bao ba ilego, yo motee yo a ilego kgole kudu, go ka reng ka dimilione tše tseo di sa nkago tša ya bokgole go lekanel? Ba šitwa go bona seo. Le bona se ke se rago?

¹⁴² Kafao, batho ba lekile, bona Bafarisei, le Basadutsei, le baikaketši, le Baherodian, le bohole ba lekile go lahlela moriti godimo ga Jesu. Eupša bona badumedi ba therešo bao ba kgethetšwegopele go kwa Molaetša wola, ba O kwele gomme ba se bone phošo ka go Wona le gatee.

¹⁴³ Go a swana bjale. Bao ba Mo dumelago, ba a Mo rata. Bao ba Mo dumelago, ga ba bone phošo ka go Yena. Ga ba bone bohlanya bjo bo itšego. Ga ba bone selo sa phošo. Ga ba bone selo sa phošo ka Lentšu la Gagwe. Ga ba bone e ka ba eng ya phošo ka batho ba Gagwe. Ba no bona Jesu. Yeo ke phetho. Bona, bona ba—bona

ba kgethetšwepele go ya Bophelong bjo Bosafelego, kafao ba no tsea mahlakore le Jesu gomme ba dula fao.

¹⁴⁴ Re be re tlwaetše go opela pina ye nnyane, Ngwanešu Roy Roberson, gomme re be re tlwaetše go opela pina ye nnyane mo, ke a thanka, nako ye le tlago mo:

ke tla tsea tsela le banyatseg̊i ba sego bakae ba
Morena,
ke thomile ka gare le Jesu, gomme ke ya go
kgabola.

Bokaone ke sepele le Jesu a nnoši,
Gomme ke be le mosamelo wa ka, boka Jakobo,
letlapa.

¹⁴⁵ Gabotse, le kwele pina ye nnyane. Yeo ke nnete. Bokaone ke tsee tsela ya go hlakahlakana, ke tsee tsela ya ba ba nyatšiwago, ke tsee tsela ba ba bolelwago, le go sepela le Jesu. Ga ke bone phošo ka go Yona, le gannyane. Se bone phošo ya moisa yo mongwe. E no tšwelapele o eya. Yeo ke phetho.

Bjale, yeo ke tsela ye ba dirilego go Jesu. Ga se ba—ga se ba . . .

Gomme le swanetše go ruta batho ba lena, lena badiša, go dira selo sa go swana.

¹⁴⁶ Ge yo mongwe a etla mmogo, a re, “O a tseba, kereke ya gago, ba be ba le bjalo le bjalo. Ba . . .” Ee, mohlomphegi.

¹⁴⁷ Go ka no ba tasene ya bona e dutše fale nako yeo, eupša go reng ka yola yoo a—yoo a—yoo a lokilego, yoo a dutšego fale? Le a bona? Wena o—wena o—wena o . . . Wena o no se kgone go bona sekgwā, sa mehlare. Seo ke phetho. Bjale, seo ke sona, thwi morago gape. Le a bona bjale?

¹⁴⁸ Gomme kafao ba lekile. Ba be ba sa rate go amogela gore O be a dira modiro wa Modimo, kafao ba be ba leka go bjala thulano le go dira batho go se dumele. Eupša bona batho ba ba Mo dumetšego, ba dutše thwi le Yena. Ba tšere lehlakore.

¹⁴⁹ Le a tseba, ke naganne fa, batho ba se bakae ke ba ngwadilego fa. Monna wa sefofu o be a ka se fetolwe ke bona, monna yola O nno mo fa go bona ga gagwe. Re tseba kanegelo. Gomme o ba file potšišo ya go tsetsemetsa, ntle le. Bjale, ba tla godimo fale.

Gomme Jesu o sepeletše kgauswi, gomme O be a le Monna yo a bego a nyaditšwe le go hloiwā. Beibele e rile O tla ganwa. “Ga go na bobotse ka Yena, re ka Mo kganyogago. Gomme bohole re bjalo ka dinku di timetše. O be a le Monna wa bohloko, wa go tsebana le manyami.” Gomme ka fao Beibele yohle e boletšego se A tla bago. “O tla nyatšiwa le go ganwa.” Gomme re bona Monna yola.

¹⁵⁰ Bjale, bao ba dumetšego Lentšu, ba tsebile tšela tšona dilo tšeoj Jesu a bego a di dira, gomme dilo e be e le tša bophelo bja Gagwe, ba tsebile O be a le Mang. Kafao ga se ba kgona go bea selo se se senyago go Yena, gobane ga se ba kgona go se bona. Gomme le a tseba, lerato le froufetše, go le bjalo, go tšona dilo. “Lerato le khupetša boati bja sebe,” le a tseba. “Lerato la go phethagala le rakela poifo ntle, le sebe, gohle go hlakahlakana.” Lerato le a dira.

¹⁵¹ Bjale, monna yo wa sefolfu o be a dutše fale, gomme Jesu le barutiwa ba Gagwe ba tla kgauswi. Gomme ke nagana Jesu o ba file thuto ye nnyane fa. Ge ba bone yo wa go šokiša, monna wa sefolfu, ba naganne, “Gabotse, bjale ka kgonthé, go na le sebe ka morago ga seo, felotsoko.”

Ge re bona se sengwe se direga go motho, ka mehla re re, “Gabotse, o dirile sebe. O tšwile ntle ga thato ya Morena, felotsoko.” Ge Ngwanešu Crase a thula kota, “O tšwetše ka ntle ga thato ya Morena, felotsoko,” ka kgopolong ya yo mongwe. Ge sethunya se thuthupile godimo, go nna, “Gabotse, o be a le ka ntle ga thato ya Morena.” Ngwanešu Neville o bethile koloi, “O be a le ka ntle ga thato ya Morena.” Seo ga se nnete tlwa. Aowa, mohlomphegi. Ga se yona. Modimo o dumelela dilo tšeoj.

Jesu o retologile go dikologa le go ba ruta thuto.

¹⁵² Ba rile, “Tatagwe o swanetše go be a dirile sebe. Goba—goba, a mmagwe o dirile sebe? Goba, a o dirile sebe?”

Jesu o rile, “Ga go wa bona a dirilego sebe, eupša gore mediro ya Modimo e dirwe go bonagala.” Amene. Le a bona? Modimo o dumelela dilo go direga feela go... bakeng sa mediro ya Modimo go dirwa go bonagatšwa. Bjale, gomme kafao O rile, o boditše monna, le go mo fa go bona ga gagwe, gomme O ile ka tsela ya Gagwe.

¹⁵³ Gomme mo go tla Bafarisei godimo, ge go bile mabarebare tikologong. “Mo go be go le monna yo a bego a froufetše, a dutše fase kua a kgopela, gomme šo o kgona go bona.” Gomme seo e be e le mabarebare tikologong magareng ga bona. Gomme, oo, nna, seo se huduile se sengwe godimo. Gomme šeba ba tla godimo fale, gomme ba bone gore monna wa sefolfu o kgona go bona.

Gomme sa pele, ba ile, ba nyaka go hwetša tsela ye nngwe go bea poifo godimo ga batho bohle. Gobane, ba be ba šetše ba rile, “Ge e ka ba mang a eya ka morago ga Thuto ye mpsha ye le Moprefeta yo moswa yo a bitšwago Jesu wa Natsaretha, ka pela ba tla neelwa pampiri ya bona le kopanelo go tšwa kerekeng. Ba ka se kgone go ya go sinagoge gape. Ge o hlakana le Yena, o tsenela ye nngwe ya dikopano tša Gagwe goba e ka ba eng, o ka se sa ya gape.”

¹⁵⁴ Ka fao, ba be ba nyaka go dira pealatšo ye kgolo go tšwa go yona, ka baka la gore ba be ba Mo hloile. Ba be ba sa naganne ka

monna yola wa go šokiša wa sefolu. Eupša ba be ba nyaka go dira pealatšo ye kgolo, go dira batho go tloga go Yena.

¹⁵⁵ Ba rile ba nyaka go botšiša tatagwe le mmagwe, kafao ba ile le go hwetša tate le mme. Ba rile, "A yo ke morwa wa gago?"

O rile, "Ee, mohlomphegi."

"Yena, a o belegwe a foufetše?"

"Ee, mohlomphegi."

"Gomme o bona bjang?"

¹⁵⁶ "Gomme tate le mme ba be ba boifa," Beibele e rile, "ka gore ba a tseba gore ba tla rakelwa ka ntle ga sinagogue, ge ba amogetše gore e be e le . . ."

Gomme, le a bona, ba be ba le fao, ba tseela fase. Ba rile, "Bjale, re a tseba yo ke morwa wa rena."

¹⁵⁷ Oo, ka kgonagalo batho ba dikete di se kae ba eme fale. Eupša ge a ka kgona . . . Ge bona Bafarisei ba go nkga ba ka kgona feela go bea nyatšego go Leina la Gagwe thwi fao, goba ba dirile se sengwe go tšoša batho, ba be ba tla be ba Mo ntšitše ka fale, bakeng sa kopano yela. Le a bona? Khuetšo ya Gagwe yohle e ka be e lahlegile.

¹⁵⁸ Kafao ba rile, sehlopha sa bona se tlie godimo kua ba apere diaparo tša bona tša boprista, gomme ba rile, "Mmoleleleng."

¹⁵⁹ Ba rile, "Re a tseba yo ke morwa wa rena. Re a tseba o belegwe a foufetše. Eupša bjale, o bona bjang, ga ke tsebe. Mmotšišeng. O godile." Le a bona? Go lokile.

¹⁶⁰ Kafao ba ile godimo le go mo hwetša, ba rile, "Ke mang a go fago go bona ga gago? O go fodišitše bjang?"

O rile, "Yo a bitšwago Jesu wa Natsaretha o mpha pono ya ka."

¹⁶¹ Gomme ba rile, "Efa tumišo go Modimo." Ba rile, "Gobaneng, re a tseba Monna yo ke modiradibe." Ba rile, gomme ba rile, "O kae?"

¹⁶² O rile, "Ga ke tsebe. O nno tla kgaušwi le go mphodiša, gomme seo ke sohle ke se tsebago ka yona. Ke tseba selo se tee ke se tsebago. Nka se kgone go le botša ka Yena go beng modiradibe, goba aowa. Ga ke tsebe. Ke sa tšwa go kopana le Monna, lehonon. Eupša ge—ge A ka kgonne nna pono ya ka—ya ka! Ke tseba selo se tee se, gore, nkile ka ba sefolu, bjale ke kgona go bona. Ke ne kgonthe ka seo. Ka gore, ke be ke foufetše, seripa sa iri sa go feta, gomme bjale ke no ba le ponagalo ye botse bjalo ka e ka ba mang lena baisa. Kafao, ke a tseba ke kgona go bona."

¹⁶³ Oo, a lebola le le beilego godimo ga bona! Kafao ba naganne, "Gobaneng . . ."

¹⁶⁴ O rile, "Gabotse," o rile, "lena bohle le nyaka go ba barutiwa ba Gagwe, le lena?" Seo ke se sebotse—seo ke se sebotse, bopaki

bja go tia. Seo—seo—seo ke se sebotse—seo ke mabokamorago a mabotse. Yeo—yeo—yeo ka kgonthe e hlatsa gabotse, se ke tla se bolelago. O rile, “A lena bohole . . .”

¹⁶⁵ Šo moleloko, monna wa sefofu, aeme mo mokgotheng ka morago ga go kopana le Jesu, bjale o botšiša morutiwa, o botšiša Bafarisei ge eba ba nyaka go ba barutiwa ba Gagwe. “Dipišopo, mantona, le nyaka go ba barutiwa ba Gagwe, le lena?”

¹⁶⁶ Ba rile, “Aowa! Wena o morutiwa wa Gagwe. Re morutiwa wa Moshe.” Go lebelela tsela morago go theoga go kgabola histori, le a tseba. “Re barutiwa ba Moshe. Monna yo, ga re tsebe selo ka Yena. Ga re tsebe mo A tšwago. Gabotse, ga re ne molao wa e ka ba sefe sa dikolo tša ren a kilego a tla godimo. Ga se nke A tla le go re kgopela mabapi le dilo tše. Le a bona? Ga re tsebe selo ka Lona. Lena batho ntle fao, le lemoga gore Monna ga se a hlomamišwa? Monna yola ke mmolelelamahlatse goba se sengwe. Yena ke Beletsebubu. O a loiwa. Gobaneng, ga A ne maatlataolo e ka ba afe. Ga se ra Mo fa wona bjale. O a bona? Ebile ga re tsebe moo Monna yo a tšwago gona.”

¹⁶⁷ Mošemane yo wa kgale a emego fale o kgonne go bona, o rile, “Bjale, se ke selo sa go makatša.” Le a bona? O kgauswi le go dira batho ba rathelwe fase, Bafarisei ba ba be ba le, go ba dira ba boife. Le a bona? Eupša o be a šetše a tšere lehlakore le Jesu, le a bona, kafao o rile, “Se ke selo sa makatša.”

A nke ke e ripaganye, a mangwe a mantšu a a ka bego a a boletše. “Bjale, lena baida tikologong fa le be le kitima bofelo bjohle bja bodumedi bja se lebaka la makgolo a mengwaga. Gomme le bolela ka Mesia yo a tlago le se sengwe seo se yago go direga feela ka go meriti ya nako, ge Molokolli a etla go re bona. Gomme le re botša gore ge A etla, sela—sela sohle O ya go se dira. Gomme fa lena, baetapele ba semoya, baprista ba bagolo le baprista ba setšhaba se, le eme fa mmogo pele ga batho ba, le leka go fifatša Leina la Gagwe, le leka go bolela se sengwe se sebe kgahlanong le Yena. Gomme Monna o tlie gomme a bula mahlo a ka a go foufala. Ke tswetšwe ke foufetše. Tate le mme wa ka šo, go fa bohlatse gore ke belegwe ke foufetše. Ke be ke dutše thwi mo magareng ga lena, lebaka la mengwaga ye yohle, ke tswetšwe ke foufetše. Gomme seo ga se sa ke sa direga ge e sa le lefase le thoma. Gomme, mo Monna o kgona go tla gomme a dira mohlolwo o sego wa dirwa ge e sa le lefase le thoma, gomme, lena, baetapele ba semoya, gomme ga le tsebe selo ka yona.” Fše! Mmm! O rile, “Ke re se ke selo sa go makatša.”

¹⁶⁸ O tšere lehlakore le Jesu. Le a bona? O ile a dumelwelago foufala gore mediro ya Modimo e kgone go bonagatšwa, le a bona, gobane o tla ka lehlakoreng la Morena Jesu. O tšere lehlakore le Yena.

¹⁶⁹ Bjale, o beile lebola go bona. Le tseba se ba se dirilego? Ba rile, “Bjale re a tseba o tswaletšwe sebeng. O leka go re ruta?” Ba

mo kgoromeleditše ka ntle ga kereke. Ba mo rathetše ntle. Ba mo kgoromeleditše ntle. Ba mo lahletše ka ntle.

Eupša ka pela ge a lahletšwe ntle, a le lemogile? Jesu o mo hweditše gape. Amene. Amene. Jesu o mo hweditše gape. Kafao se tshwenyege ge ba go lahlela ntle. O tla go hwetša gape. Le a bona? Go lokile.

Gomme O rile go yena, “A o dumela go Morwa wa Modimo?”

¹⁷⁰ O rile, “Morena, Yena ke Mang?” Ebile o be a sa tsebe. Eupša selo se nnoši seo a se tsebilego, gore, moo a bego a foufetše, nako yeo o kgonne go bona.

¹⁷¹ Gomme ke tseba selo se tee se, ngwanešu. Ba ka no bitša Ye bohlanya, le e ka ba eng ba nyakago. Eupša, moo nkilego ka ba modiradibe, ke—ke tlide ka go mogau bjale. Se sengwe se diregile go nna. Le a bona? Selo se tee se ke—ke se tsebago bjale. Ka go tshepa Lentšu la Gagwe, ka go Mo dumela, ke ragetšwe ntle ga mokgatlo wo mongwe le wo mongwe ka tlase ga sefahlego sa Legodimo. Ga go le o tee wa yona o tla nkamogelago gape. Le tseba seo. Ba bangwe ba banna ba bona ba tla dira, ntle mo. Banna ba go loka ba tla amogela. Eupša mokgatlo wo mongwe le wo mongwe o nkghanne. Yeo ke nnete. Eupša O nkhweditše. O tla nkhwetša felotsoko. Yeo ke nnete. Le a bona? Yeo ke nnete. Etla mmogo ka mokgwa woo.

¹⁷² Gomme kafao go tla loka, gobane re nyaka go tsea mahlakore le Jesu. Gomme tsela e nnoši o tšeago lehlakore le Jesu ke go tsea lehlakore go se A se boletšego, go dumela Lentšu la Gagwe. Kafao a re tšeeng lehlakore le Yena.

¹⁷³ Monna wa sefolu o ba file bopaki bja kgonthe. Go lokile. Re hwetša gape gore ba lekile go senya Leina la Gagwe.

Feela gannyane nthathana, gomme ke swanetše go tshela dilo tše dingwe mo.

Kafao, nako ye nngwe, go be go le Mofarisei. Ke rerile ka yona mo nako ye nngwe ya go feta, gomme ka e bitša, “Go hlatswa maoto a Jesu.” Ke a dumela lena bohle le nkwele ke rera ka seo mo, ge Mofarisei a kgopetše Jesu go tla tlase ntlong ya gagwe. Yo mogolo, wa kgale, Mofarisei wa go omelela, gomme a Mo kgopetše gore a tle. Gomme le a tseba ke e file tiragatšo ye nnyane, ka fao semamathane se tlago le go Mo hwetša. Gomme—gomme O tlide tlase, efela O tsebile O be a hloilwe. Efela, O ile, go le bjalo. Gomme ge ba Mo tlišitše ka kua, ga se ba ke ba hlatswa maoto a Gagwe. Gomme ba Mo tlogela a dule tlase kua, a nkga, le se sengwe le se sengwe gape, go tloga go boima bja tsela. Gomme šole O dutše kua.

¹⁷⁴ Gomme mosadi yo monnyane a tla ka gare. Ba naganne, “Oo, nna, Morena o lokile go renal, gobane, lebelelang, se se no tliša phathi ya renal ye kgolo!” Ba Mo tlišitše kua go no dira metlae ka Yena. Ba Mo tlišitše kua go no ba le boithabišo tsoko

go tšwa go Yena. Gomme bjale ba be ba gopola gore Morena o be a šoma thwi le bona, ka baka la gore yo wa tumo ye mpe, mosadi wa mmalegogwana o tlide godimo, gomme o be a lla, le go hlatswa maoto a Gagwe ka megokgo ya gagwe, le go a phumola ka moriri wo.

Gomme Mofarisei wa kgale le bohole ka moka baprista ba eme godimo ka sekhetlong, ba rile, "Ngwanešu, se sengwe le se sengwe, Morena o se beile feela tlwa bakeng sa rena. Fa re ka bea go gogobiša go leina la Gagwe gonabjale. O ipitša Yenamong Moprefeta, gomme batho ba nagana gore Yena ke Moprefeta. Gomme ba Mmitša Moprefeta wa Galelia. Gomme ebile O tleleima go ba Mesia, gomme re a tseba Mesia o tla ba Moprefeta. Gomme šo Yena, o dutše morago kua. A le bona mo re Mo tlišitšego? Lebelelang kua. Šaatena, re Mo lokišitše thwi bjale. Šole Yena, o dutše morago kua, o inametše fase bjalo ka mpšanyana e nailwego goba se sengwe morago kua. Gomme mmalegogwana tsoko, wa legoro la Gagwe mong, o tla tla go dikologa le go hlapiša maoto a Gagwe ka mokgwa woo, gomme bjale ebile ga A tsebe. Ge A be a le Moprefeta, O be a tla tseba ke mohuta mang wa mosadi a bego a le. Bjale, bašemane, re tla nwa go se," o rile, "gobane, lebelelang kua." Le a bona?

¹⁷⁵ Eng kapa eng go senya Leina la Gagwe, eng kapa eng go senya boitshepo bja batho, ba sa tsebe gore ba swerwe ke diabolo go dira seo. Ba be ba šoma ka kwano le diabolo, ba leka go fifatša Leina la Morwa wa Modimo.

¹⁷⁶ Ba dirile se bjang, baena? Gobane ga se nke ba puruputša Mangwalo. Jesu o rile, "Phetlang Mangwalo. Ka go Wona le nagana gore le na le Bophelo bjo Bosafelego, gomme ke Wona A pakago ka Nna." Oo, a bodiredi A bilego le bjona! Le a bona? Ee, mohlomphegi. "Ge Ke sa dire mediro ya Tate wa Ka, gona se Ntumeleng." Le a bona?

¹⁷⁷ Eupša mo Mofarisei yo o rile, "Re Mo hweditše bjale. Oo, lebelelang fa, go na le ka kgonagalo batho ba makgolo a lesomethlano fa mo moketeng wo. Bjale Mo lebelelang a dutše godimo fale. Šole O dutše le mmalegogwana."

¹⁷⁸ Gomme, oo, nna, a selo sa go befa se bego se le ka letšatšing leo. Fše! Hum! Gomme šole O be a na le mosadi wa tumo ye mpe, a khukhunela ka gare go swana le (go lebega bjalo) A khukhunela ka gare. O fetile mohlapišamaoto le se sengwe le se sengwe gape, gomme a dula fale.

¹⁷⁹ Gomme o rile, "Šo yena, godimo fale a hlatswa maoto a Gagwe. Bjale, ge A be a le Moprefeta? Le a bona, baena, Monna yola ga se Moprefeta. Ge A be a le Moprefeta, gona O be a tla tseba ke mohuta ofe wa mosadi yoo a bego a le, a hlapiša maoto a Gagwe."

¹⁸⁰ Gomme Jesu o nno dula le go mmogela, ga se a tsoge a šuthiša leoto go fihla a feditše. Ge o eya go dira se sengwe bakeng sa Jesu,

Jesu o a dula le go go bogela o se dira, nako ye nngwe. Uh-huh. O go dumelela go ya pele go fihla o fetša, morago mopupso o a tla. Mohlomongwe o kitima lebelo ka moka la bophelo, o šomela Yena, eupša, se tshwenyege, go ne mopupso bofelong, ge o no tsea tsela ya gago le lehlakore la Gagwe.

¹⁸¹ O ka no se—wa se bone motho o tee a fodišitše, yo o mo rapelelago. E no tšwelapele o ba rapelela. Ka mehla ke rile, “Ge ke rapeletše makgolotlhano bošego; bohle makgolotlhano ba hwa mosong; gosasa bošego ke tla be ke rera phodišo Kgethwa le go rapelela balwetši.” Le a bona? O se be le selo se tee go dira le yona. Le a bona?

¹⁸² O tla go dumelela go tla thwi tlase go kgabola diphenyo le se sengwe le se sengwe gape, go fihla o etla thwi tlase go bofelo bja tsela le go fetša mošomo wa gago, boka A hlahlile mosadi yola. O be a nyaka go Mo direla tirelo, ka fao O ile a no swara maoto a Gagwe ntle kua gomme a mo dumelela—a mo tlogela go a hlatswa. Oo, ge nkabe A rile, “O se ke wa dira seo,” a ka be a tabogile le go kitima. Eupša O mo dumelelše go dira tirelo.

¹⁸³ Gomme ka morago ga ge a feditše, a feditše tirelo ye a bego a eya go e dira, ka gona A lebelela godimo go moikaketši yola a bego a eme morago kua, o be a leka go lahlela boso godimo ga Leina la Gagwe. O rile, “Simone, ke na le se sengwe go go botša; e sego go yena, eupša go wena. Wena, o eme morago kua, ka pelong ya gago, ke ka baka leo o Ntlišitšego tlase mo. Ga o na le kopanelo le Nna. A Nna ga se ka e tseba? Eupša o Ntlišitše fase mo. Gomme o Mpea morago mo, go dira metlae ka Nna. A nke... Ga se wa ke wa Mpha meetse, go hlatswa maoto a Ka. Ga se nke wa Mpha selo go Nkwela. Nna ke dutše fa, ke eswa le go gobatšwa, ga se nke wa Mpha oli bakeng sa sefahlego sa Ka. O be o lewa ke dihlong go Nkatile go amogelwa, goba go šišinya sealta sa Ka. O a bona? O be o lewa ke dihlong, pele ga sehlopha sa gago. O be o lewa ke dihlong go e dira. Mosadi yo, ge e sa le a etla ka gare, ga se a dire selo eupša go fogohletša maoto a Ka le go a hlatswa ka yona meokgo ya mahlo a gagwe, a a phumola ka toulo ya moriri wa gagwe mong. Gona, Ke tla no go bontšha ge eba Ke nna Moprefeta, goba aowa.” Amene. Ke rata seo.

¹⁸⁴ “Bjale Ke nyaka go bolela le *wena*, motsofso feela. Dibe tša gago, e lego tše ntši, tšohle di lebaletšwe wena.” Hum!

¹⁸⁵ A ba kile ba senya Leina la Gagwe? Ba naganne ba bile le Lona. Ba naganne ba Le emišitše. Ba naganne ba tla Mo lokiša gore tsošeletšo ya Gagwe e se tsoge ya ba ka setšhabeng sela. Ba naganne ba be ba sentše khuetšo ya Gagwe. Eupša go nno tsea motho o tee yoo a Mo ratilego, go retolla seemo ka moka.

¹⁸⁶ O tseba bjang gore ga o motho yoo, bakeng sa setšhaba sa gago goba yo mongwe yoo o tla kopanago le yena? Tšea lehlakore le Yena. Mo direle tirelo. Dirang se sengwe go Yena. Le tseba se ke se rago, baena? Tšea lehlakore la gago le Jesu. Mo tše, Mo

dire kgetho ya gago. Mo direle tirelo go sa kgathale ge eba e ka ba mang gape, goba o kile wa lefšagape, goba e ka ba eng. Ga go dire phapano ye e itšego. Letang go fihla mošomo o fedile.

¹⁸⁷ O ka rata bjang go Yena go re... Le ge o be o rapeletše balwetši, gomme ga se ba fola. Le ge o rapetše go bolela ka maleme, gomme ga se o e dire. O rapetše go profeta; ga se o e dire. Eupša, go le bjalo, selo se nnoši o ka kgonago go se dira ke go bolela setori sa Jesu, ka kerekeng ya geno, goba ka setšhabeng sa geno, mošomong wa gago. Ebile ga se kgone go dira selo se tee; ga se wa hlahlala motho o tee. Mosadi yola ga se a hlahlala yo motee go ya go Kriste, eupša o Mo diretše tirelo. Gomme e dira phapano efe, mo bofelong bja tsela, ge A ka re, “Gomme Ke re go wena, dibe tšohle tša gago, le ge go se thapelo e tee e arabilwego bakeng sa gago. Eupša, o tla godimo ga motheo wa Lentšu la Ka. O tla ka gore o Ntumetše, gomme o Ntiretše tirelo. Gomme Ke bolela gore dibe tše dintši tše o di dirilego tšohle di lebaletšwe wena”? Seo se tla ba gabotse go lekanelo go nna. Amene. Ee, mohlomphegi. Go lokile.

¹⁸⁸ Ba nyaka gore, “Matšatši a mehlolo a fetile,” le—le go ya pele. A ba ye pele gomme ba e bolele. Eupša a re direleng Morena tirelo.

Ba Mo hloile gobane ba be ba Mo tsebafela. Leo ke lebaka le nnoši. Ba be ba ne mona.

Ba be ba leka go senya khuetšo ya Gagwe pele ga batho, go swana le ge ba dira bjale. Bona, ge ba ka no hu...ba senya khuetšo ya Molaetša pele ga batho, gona ba ne selo se hwipintšwe. Yeo ke nnete. Gobane, gonganeng ba lekile go e dira? Gobane O be a le kgahlanong le dithutotumelo tšohle tša bona le dithuto tšohle tša bona tša kereke, le se sengwe le se sengwe seo ba se dumetšego, le go bitša tšohle tša bona—tšohle ditumelo tša bona le go ya pele. O be a le kgahlanong le yona yohle. Gomme ba be ba Mo hloile gobane O be a sa itahlele ka gare le bona.

¹⁸⁹ Bjale, ge nkabe A tlide ka gare, a rile, “Oo, Kayafa, monna wa go kgahliša wa Tate wa Ka. Ke nna Mesia. Etla fa, Kayafa. A o bona meetse ale fale? O a elelwa, tlase ka—ka Egepeta, Moshe, moprofeta yo mogolo o a fetoletše go—go madi. O elelwa seo, Kayafa?”

¹⁹⁰ “Oo, Moisa yo moswa, ke tsebana kudu le kanegelo yeo.”

¹⁹¹ “Go lokile, Kayafa, Ke ya go fetola meetse bjale, go tloga go meetse go ya mading, go go laetša gore Ke nna Mopropeta yola yo Moshe a boletšego ka yena. Sele yona, Kayafa. O nagana eng ka yona?”

¹⁹² “O nagana eng ka,” Kayafa, ka go ba Mofarisei, “O nagana eng ka Bafarisei?”

¹⁹³ “Oo, ke nagana ke bona mohlobo wo mobotsebotse wa batho. Oo, lena bohole le boloka metlwae ya botate gabotse tlwa.”

“O a tseba, O ka ba Mesia.”

¹⁹⁴ Aowa. A ka be a se a ba. Leo e ka be e bile lona leswao gore O be a se. Ge o bona yo mongwe a etla, a re, “Etla mo gomme ke tla go laetša se ke tla se dirago. Gomme etla mo, ke tla dira *se le* go dira *sela*.” Le a elelwa, thwi bjale, fao go na le selo se sengwe sa moriti ka sona, le go thoma.

Jesu o rile, “Ga ke dire selo go fihla Tate a Mpontšha, pele.”
Le a bona? Ee.

¹⁹⁵ O be a le kgahlanong le bona. O rutile kgahlanong le bona. O ahlotše go boloka Sabatha ga bona. O ahlotše ka tsela ye ba bego ba apara. O ahlotše ditsela tšohle tša bophelo bja bona, metlwae yohle ya bona, go hlatswa pitša ga bona gohle, le go hlatswa ketlele, le go hlapisa seatla, le se sengwe le se sengwe gape. O se ahlotše, nthathana ye nngwe le ye nngwe. Diaparo tša bona, O rile, “Le apara diaparo tša meroko, le go hlologela ditulo tša godimo, le—le go dira dithapelō tše telele, gomme le metša magae a bahlologadi.” Are, “Le tla amogela kahlolo ye ntši.”

“Gabotse, elelwang, ke nna Ngk. Mang!”

¹⁹⁶ “Ga ke tshwenyege gore o mang.” Oo, monna, ka nnete O e beile godimo. Ga se ba ke... Ka baka la eng? Gobane ga se ba Mo dumela. O be a le Lentšu. Le a bona? O be a leka go thuba sehlopha sela sa boramelawana.

Gomme ge A ka be a le mo lefaseng lehono, O be a tla leka go dira selo sa go swana.

¹⁹⁷ Batho ba bangwe ba re, “Gabotse, bjale, ema motso. Re boloka Sabatha, go ya go ile. Re dira *se*. Gomme, le a tseba, re boloka sohle *se*, gomme re boloka *selo*. Gomme le lengwe le le lengwe, gobaneng, Labohlano le lengwe le le lengwe le Lebotse... Gobaneng, ge nako ya go ikona e etla pele, matšatši a masomenne pele ga Paseka, ka mehla re obamela Lente. Ke tlogela go kgoga, lebaka la matšatši a masomenne. Ke tlogela go nwa, lebaka la matšatši a masomenne, pele, nakong ya Lente.” Oo, motlwae wa botate, boramelawana. Ge o be o rata Modimo, ga—ga o kgoge, lefelong la pele. O ratile Modimo, wena... Ke—ke ngwadile ka morago ga Beibele ya ka ye nnyane, ya mathomo nkilego ka ba le yona, ke rile:

Le se mpotšiše dipotšišo tša bošilo.
Dira se godimo ka monaganong wa gago,
Ge o rata Morena ka pelo ya gago yohle,
Ga o kgoge, go nwa, goba—goba, ga o kgoge, go
sohla, goba go nwa bjala bofe.

¹⁹⁸ Gomme seo se sa eme gabotse lehono. Ga ke e dire gobane ke nagana O a nkahlola go e direng. Ke tla e tlogela ka gobane ke selo sa ditšhila, gomme ga gwa swanelo modiredi. Yeo ke nnete. Nka se re...

¹⁹⁹ Makga a mantši ke tla ya dintlong gomme go ne basadi ba eme ntle fale. Gomme ke ya ntlong, ke kokota lebating, gomme kgaetšedi o tla tla lebating, “Tsenka gare, Ngwanešu Branham.” Ge monnamogatša wa gagwe a se gona, ntle le ge e le taba ya bolwetši le yo mongwe le nna, ga ke ye. Gomme ka gona ba mpiletša bookelong, goba kamoreng, ba re, “Ngwanešu Branham, etla godimo mo. Ke nna Kgaetšedi *Semangmang* go tšwa *Kaekae*. Ke—ke mo ka hoteleng. Ke—ke—ke tlišitše mme wa ka mmogo. O a babja.” Ke tsea mosadimogatša wa ka. Ge ke sa dire, ke tsea ngwanešu tsoko yo mongwe. Le a bona? Ga—ga ke. Ga ke nagane...

²⁰⁰ Ke nagana go tla loka go nna go ya ka kua, eupša go ka reng ge yo mongwe a mpone ke eya ka kua? Le a bona? Go ka reng ge yo mongwe a mpone ke e dira? Le a bona? Ka gona, selo sa pele le a tseba, ba tla re, “O ile ka kua fao mosadi yola a bego a le gona. O kitima ka morago ga basadi.” Seo, le a bona, seo e tla ba selo se ke sego ka swanela go se dira. Le a bona? O se tsoge wa dira e ka ba eng boka seo, gobane o beile kotanatšitišo tseleng ya yo mongwe gape. Le a bona? Ga ke dumele gore ke tla dira e ka ba eng ya phošo ka fale. A nka, ke tla, le go tshepa Modimo go ya ka fale. Ga go kgathale selo e be e le eng, ke be ke tla tshepa Modimo. Eupša, go le bjalo, le a bona, gomme—gomme—gomme ke rata Morena gabotse go lekanelo go fihla ke se ka e dira. Le a bona? Ke lerato le o nago nalo. Wena, o ka se e dire ka gore ke mošomo go e dira. O a e dira ka gobane o rata Morena. Ga se o swanelo go e dire, eupša o a e dira, go le bjalo.

²⁰¹ Paulo o rile, “Go nna dilo tšohle di molaong, eupša ga se tšohle di lego bohlokwa.” Le a bona? Paulo o kgonne go dira dilo tše dintši tseo mohlomongwe tseo a tsebilego Morena o mo kwešištše, le go mo tshepa, eupša go be go se bohlokwa go yena go e dira.

Kafao yeo ke tsela ye boramelawana ba, ba lekago go re, “Matšatši a masomenne pele ga Paseka, ka mehla re thoma go ikona.” Gomme ba ja feela bontši bjoo ba kilego ba dira. Mohlomongwe ba re, “Gabotse, ga ke rate dinawa, kafao ke tla tlogela dinawa, bakeng sa Lente.” Ke ba kwele ba bolela seo. “Ga ke rate nama ya kolobe, kafao ke tla no tlogela nama ya kolobe, le a tseba. Ke ya go tlogela go nwa, bakeng sa Lente.”

²⁰² Mosadi yo mongwe o mpoditše, a re, “A o tseba se ke se tlogelago, gbakeng sa Lente, ngwaga wo, Ngwanešu Branham?”

Ke rile, “Aowa. Eng?”

²⁰³ O rile, “Dipongpong.” O rile, “Ga—ga se ka tsoge ka tshwenyega kudu ka yona, go le bjalo.” Le a bona?

²⁰⁴ Ke lena bao. Bjale, ba bitša seo go ikona. Le a bona? Bosemolao. Ba re, “Gabotse, ke na le...Le a tseba, ke—ke—ke thekeselela go kereke nako ye telele. Gobane, ke a le botša, ke bolokile sekolo sa Lamorena bakeng sa ngwaga wa go tlala, ka

gobane morutiši wa ka o rile ge ba ka fa Beibele go yena yoo a sa lofego letšatši.”

²⁰⁵ Bjale, ngwanešu, yeo ke tsela ye nngwe ya go ya. Bokaone ke no ya go ithekela Beibele. Le a bona? Ge o sa ye kerekeng gobane o rata Morena, le wena gape o ka no dula kgole. Yeo ke phetho. Le a bona? Ka gobane, le ya kua ka gore le rata Modimo. Ke nagana ka pina ye re e opelago:

Go šegofala go be setlemi sela sa go tlemaganya
Dipelo tša rena ka lerato la Bokriste;
Kopanelo ya monagano wa leloko
E swana le yela ya Godimo.

Ge re arogana,
Go re fa bohloko bja ka gare;
Eupša re sa no ba re tlemagane ka pelong,
Le go holofela go kopana gape.

²⁰⁶ Le a bona? Yeo ke yona. “Ge re arogana, go re fa bohloko bja ka gare.” Ke bone nako, ngwanešu. A nke ke se re ahhole, eupša a nke ke no re phafoša go se sengwe. Ke bone nako ka kerekeng ye, moo ge batho ba swanetše go leta go fihla Laboraro bošego go kopana seng sa bona, ba tla goeletša godimo ga yona. Gomme yeo ke nnete. Ke bone badiredi ba etla ka fa gomme ba tla re, “O e dira bjang? Gabotse, bona batho, feela pelo e tee.” Le a bona?

²⁰⁷ Ba kopana mojako gomme ba re, bona dikgaetšedi ba kopana yo motee go yo mongwe morago kua, le go gokarana, le go re, “Kgaetšedi, eba le nnete go nthapediša bjale, hani. Ke tla go bona gape Laboraro bošego. O tla rapela, a o ka se ke? Wena nthapediše, ke tla be ke go rapediša.” Le go dira ka mokgwa woo, le megokgo mahlong a bona.

²⁰⁸ Go bona banešu ba šišinya diatla yo motee go yo mongwe, gomme ba no se kgone go tloga yo motee go yo mongwe ka mokgwa woo. Yeo ke kopanelo ya kgonthe ya Bokriste. Le a bona? Le a bona? Go no leta, go rapedišana seng. Ee, mohlomphegi. Yeo ke tsela ye re swanetšego go ba. Go lokile.

²⁰⁹ Bjale, banna ba bao ba dirilego ditatamente tše, e be e se banna ba babe. Ba be ba sa re go ba ba babe. Ba naganne ba be ba direla Modimo tirelo. Bona Bafarisei le dilo, ba be ba se digatamorokwana le matagwa. Ba be ba le banna ba bodumedi. Ba be ba se ba befa. Ba nno—ba nno se amogele Lentšu la Therešo. Ga se ba amogela Moya. Gobaneng? Ba swareletše go dithutotumelo tša bona le metlwae ya bona—ya bona. Le a bona? Go laeditše gore ba ratile baetapele ba bona.

²¹⁰ Kayafa yo mogolo šo, moprista yo mogolo. Go na le ka moka baprista bale ba bagolo, gomme banna bale ba ya mmogo.

Bjale, tše, boka Katoliki. Bona... E sego go ba lahleleng. Selo sa go swana ka go Maprotestant. O tše Mokatoliki, o rata moprista wa gagwe. Gomme—gomme ke tla mmotša ka Lentšu la

Morena, gomme—gomme o bona mediro ya Modimo. O re, “Eupša kereke ya ka—ya ka ga e dumele Leo.” Gomme o ya go bolela, le go mo soba. Ke re . . .

Mosadi o rile go nna, letšatši le lengwe, o rile, “Ke sebe go nna go go theetša.” Le a bona? O be a sa nyake go ba yo mobe. O ile a no gopola kudu ka kereke ya gagwe le moprista wa gagwe, go fihla, ge a ile a theetša se sengwe gape . . . O be a botegela moprista yola.

²¹¹ Hlatse ya Jehofa o botegela se ba se dumelago. Baptist e botagalela se ba se dumelago. Presbyterian e botagalela se ba se dumelago. Gomme ba no botega go badiša ba bona. A re ka se kgone go botega go Lentšu? Le a bona? Bjale ge bao . . .

²¹² Ke nyaka go le botšiša se sengwe. O re, “Gabotse, Ngwanešu Branham, o tseba bjang ga ba?”

Bjale, ge Bafarisei bale le Basadutsei, le baetapele ba letšatši lela, ba ka be ba ile kgole go tloga go dithutotumelo tša bona le dithutotaelo tša bona, le go theetša se Lentšu le se boletšego le se Jesu a bego a se bolela, feela tlwa se Mesia a bego a swanetše go se dira, ba ka be ba ile ba swarelala go Yena. Le a bona? Eupša ba naganne bontši kudu ka baetapele ba bona!

Ba be ba se banna ba babe. Ba be ba ka se utswe, ba aketša, ba rogana, se sengwe le se sengwe ka mokgwa woo. Ba be ba ka se dire seo. Ga se ba ke ba dira bootswa. Ka baka la eng, ka nnete aowa. Ka baka la eng, ba be ba tla hlatsela go kgatlwa ga yo motee yo a dirilego selo se sebjalo. Gomme ba be ba ka se—ba be ba ka se dire seo. Ba be ba le banna ba go loka.

Eupša selo se nnoši se bego se le, ba be ba se banna ba semoya. Maitshwaro, ba be ba lokile, eupša seo ga se se se bolelwago. Gomme Jesu o ba boditše eng, ebile le bona batho ba go botega? O rile, “Ke lena ba tataweno, diabolo.” Le a bona? Ke Lentšu le le bolelwago.

Bjale ke tla potlaka feela ka pela ka mo go kgonegago.

²¹³ Bjale, ba be ba se ba tlatšwa ka Moya, eupša ba be ba botega le go swarelala go thutotumelo ya sebjalebjale ya baetapele ba bona. Le a bona? Go lokile. Bodiredi bja Gagwe bo be bo bontšha thuto ya bona. Seo ke se bothata. Bjale lebelelang. Ke tla no e tše. Bjale feela . . .

Baena, ke—ke, ke—ke ya go le kgopela, ntshwareleng, gonabjale, go beng botelele bjo. Ke . . . Mohlomongwe le ka se nnyake ke bowa morago bakeng sa ye nngwe. Eupša, lebelelang. Theetšang se. Le a bona? Ke le nyaka le be le mnete go hwetša se.

²¹⁴ Bjale, ba bile le dithutotumelo tša bona, gomme go be go le dikereke tše kgolo le batho ba bagolo, le banna ba bagolo, banna ba bakgethwa, banna ba go loka, banna ba boleta, banna ba bakaone, banna ba go hlomphega, ba go rutega, ditswerere, ba bodumedi. A yeo ke nnete? Gomme bohole re tseba seo. Feel a

gabotse ka mo o ka kgonago go hwetša e ka ba kae. Le a bona? Eupša ge Jesu a etla pele, bodiredi bja Gagwe bo bontšhitše thuto ya bona, gobane Modimo o be a netefatša ka bodiredi bja Jesu Kriste gore O be a na le Yena.

²¹⁵ A Petro ga se a tsopola selo sa go swana? O rile, “Lena banna ba Israele, a nke se se tsebje go lena, gomme ekwang mantšu a ka.” O rile, “Jesu wa Natsaretha, Monna yo a netefaditšwego ke Modimo magareng ga lena.” Le a bona? Le a bona? Ge ba . . .

²¹⁶ Boka monna yo wa sefofu a rile, “A se ga se selo sa bothakga? Le baetapele ba semoya ba setšhaba, gomme šefa go tla Monna ka gare gomme a bula mahlo a ka ka maatla a Modimo, gomme go le bjalo ga le tsebe selo ka Yena.” O rile, “Se ke selo sa go makatša.” O bile le se sengwe. A ga se a ke? Ka nnete o dirile. Go lokile. O dirile. Monna yo a kgonnégo go dira se, gomme efela ga se ba tseba moo A bego a le. Bjale seo e be e le selo sa go makatša.

²¹⁷ Bjale lebelelang lehono, baena. Le a bona? Re na le, re a tseba re na le mosepelo wa Modimo. Re a tseba O dira mehlolo. O fodiša balwetši. Ebile O tsoša bahu. O lelekela bodia bolo ntle. O bolela ka maleme le go hlatholla maleme. O romela pele diprofeto; di a direga. O re laeditše ditoro, ditlhathollo; go phethagala, kudukudu. Gona a ga se selo sa go tlaba gore baetapele ba bagolo ba tla re re be re le sehlopha sa batho ba go gafa, ge ba le baetapele ba setšhaba, baetapele ba dikereke? Seo ke selo sa go makatša.

²¹⁸ Ke eng? E sa le mona. Moya le maatla le Lentšu la Modimo ka go matšatši a a mafelelo di laetša dithutotaelo le dithutotumelo tša tšona, seo ke sohle se lego go yona, seo ba dirilego banna go foufala ka sona.

Kafao, baena ba ka ba baswa, lena bohole ba le yago ntle mo ka dikerekeng tše, swarelelang go Lentšu la Modimo. Le se ke la šutha. Ge le sa kgone go Le dira le phethagale, le se eme tseleng ya yo mongwe gape. Emang fao le itia mojako wa kgoro, le no šupa thwi go Lona. Yeo ke therešo. Dulang thwi fao. Le se ke la thoma bohlanya, ka gore bo tla le laetša godimo. Eupša ge le ka dula therešo le bokgethwa, gomme le Lentšu lela, Modimo o tla le hlatsetša. Yeo ke nnete.

²¹⁹ Bodiredi bja gagwe bo be bo bontšha godimo dithuto le dithutotaelo tša bona. Kafao ba tšere sebaka se sengwe le se sengwe go Mo fediša, ba kgonnégo go hwetša. Se sengwe le se sengwe seo ba kgonnégo go se hwetša, go Mo fediša, ba se dirile. Go leka go re, “Gabotse, bjale, lebelela *fa*. Lebelela *fa*, *Semangmang, yo*.”

²²⁰ Šole Yena, o dutše fale, letšatši le lengwe, ka ntlong ya Simone, molephera. Ga go lentšu le tee le rilego O mo fodišitše. O be a le molephera. Ga se gona se rego O mo fodišitše. Yeo ke nnete.

²²¹ O fetile mogobeng wa Bethesada, gomme fao go be go robetše e ka ba batho ba dikete tše pedi, dihlotsa, difofu, digole, ba go omelela. Gomme O sepeletše godimo go monna yo motee gomme a mo fodiša, gomme a tloga. O re, “Gabotse, bjale, ge nkabe A be a le Mesia, nkabe A fodišitše bohole ba bona. Ge A ka be a tletše kwelobohloko bjalo ka ge bohole le re O nayo, A ka be a bile le kgaogelo go bohole ba bona.”

Se sengwe le se sengwe seo ba kgognego go se hwetša, go lahlela leswao le leso godimo ga Gagwe, ba se dirile. Se sengwe le se sengwe ba kgognego go se hwetša, ba se lahletše go Yena. Go lokile. Ba tsere sebaka se sengwe le se sengwe ba bego ba kgona, go fediša, go Mo fediša.

²²² Ba botšišollotše tswalo ya Gagwe. Tswalo ya Gagwe e be e le potšišong. Ba beile yeo pele ga batho. Ga se ba kgone go kwešiša ka fao A tswetšwego tswalo ya kgarebe. Gomme Josefa, tate wa Gagwe, o be a swanetše go ba mmetli. Gomme O tswetšwe pele ga ge Josefa le Maria ba nyalana. Ba lahletše seo pele ga batho. Ee, mohlomphegi. Le a bona? Ke bolela eng bjale? Ba a Mo swaya. Le a bona?

²²³ “Mo lebelele. O tšwa kae? Lebelela mme wa Gagwe, ga se selo ge e se mmalegogwana wa setrateng, o bile le lesea le. Gomme ka morago ga ge lesea le tswetšwe... O šetše a imile, lesea le be le swanetše go tswalwa, morago Josefa o mo nyetše, go e uta, morago a tla go dikologa ka mohuta tsoko... Gobaneng, ke mošomo wa diabolo. A ga le kgone go bona? Ke mohuta woo wa tswalo.” Ba lahletše yeo pele ga batho, ba sa bale ka Beibeleng, Jesaya 9:6, “Kgarebe e tla ima.” Le a bona? E be e le eng? Ba tlogile kgole le Lentšu. Yeo ke yona.

²²⁴ Ba lahletše diswantšho tše ntsho ka go maatlataolo a Gagwe. “Bakgomana, a ga le tsebe re barutiwa ba Moshe? A ga le tsebe re bahlanka ba Kriste? A ga le tsebe re puruputša Mangwalo letšatši ka letšatši? Gomme ga re ne selo se tee.” Ba rile, “Mesia o tla tla tempeleng ya Gagwe. Ga go lentšu le tee la Gagwe a etla tempeleng. O kae? O tšwa sekolong sefe? Botšiša yo mongwe le yo mongwe wa baena, bobedi Methodist, le Baptist, le Presbyterian, le a tseba; Bafarisei, Basadutsei, le go ya pele. O rwele karata efe ya kopanelo? Maatlataolo a Gagwe a kae ebile go rera? Ga se a hlomamišwa. Ebile ga se a be le tokelo go rera.”

²²⁵ O rile, “Tlhomamišo ya Ka e tšwa go Modimo. Mediro ya Ka e hlatsela se Ke lego sona.” Yeo ke nnete. “Na ga ka swanela go ba le dipampiri tša lena.”

²²⁶ Le bona se ke se rago? Ba lahletše seo. Thuto ya Gagwe, gobaneng, ba Mmiditše Beletsebubu. Thuto ya Gagwe, ga se ba kgone go kwešiša.

²²⁷ “Gobaneng, O ganana le metlwae yohle ya botate. Ebile O ganana le Bafarisei. O ganana le Basadutsei. O ganana le

sehlopha ka moka sa bona. Bjale, O hwetša kae Thuto ya Gagwe?" Go tswa Beibeleng, ka nnete.

"Gabotse," o re, "gabotse, bjale, ke tseba bjang gore Yeo ke nnete?" Modimo o e thekgile.

Seo ke se monna wa sefofu a se boletšego. "Ke selo sa go se tlwaelege, ge le nepile kudu gomme A le phošo kudu. Go le bjalo A ka kgona go tše maatla a Modimo gomme a bula mahlo a ka, gomme ga se la ke la e bona e dirwa le bjale, le bjale. Seo ke selo sa go se tlwaelege." Oo, nna! Ke rata go tše mahlakore le Yena, a ga le? Nnete. "Le re le barutiwa ba Moshe, gomme le nepile kudu gomme O phošo kudu, gona a nke ke le bone le dira dilo tše A di dirago." Amene.

²²⁸ Fao ke moo, Thuto ya Gagwe, ba Mo ahlola, dittleleimi tše Gagwe tšohle. Ba rile, "Ga A na... Dittleleimi tše Gagwe di be di fošagetše, tše go beng Mesia. O be a ka kgona bjang go ba Mesia, a se tle kerekeng? A ka kgona bjang go ba Mesia? Gomme ke renaba, lebebe la Israele."

Eupša lebebe le be le themile. Le a bona? Oo! Ee, mohlomphegi. Le bile le dintšhi ka go lona, kafao ba—ba ile ba swanela go okola leo.

²²⁹ Kafao o rile, "Ke renaba, kereke, bakgethiwa. Rena re... Re bolokile motlwae. Re bolokile melao ya Moshe. Re dirile dilo tše tšohle, le tlase ka mokgwa wo. Gomme mo Monna yo o a tla gomme o ahlola dittleleimi tše renaba. Gomme ntle le seo, baprista ba renaba bakgethwa, tate wa renabyo mokgethwa, yo a dirilego se le yo a dirilego *sela*, le mehuta yohle ye ya dilo, le bohole ba banna ba renaba bagolo, gomme O ba bitsa 'ba diabolo,' morago o ipitša Yenamong Morwa wa Modimo." Oo, nna! Le a bona?

²³⁰ Ba lekile go lahlela yona meriti Leineng la Jesu, le go Jesu, go e tliša pele ga batho. Bontši kudu go ka bolelwa fale, eupša go tše nako ye ntši kudu. Eupša eng? Eupša Lentšu le mediro di Mo hlatseditše. Amene.

²³¹ Oo, go badumedi ba therešo, bakgethelwapele ba ba bego ba kgethetswapele go Mmona le go tseba bodiredi bja Gagwe, O be a le fao. Ga go kgathale ge A kile a bula molomo wa Gagwe ka e ka ba eng, ba tsebile O be a le. Haleluya!

²³² Mmalegogwana yo monnyane yola wa kgale o sepeletše ntile kua sedibeng letšatši lela, a hwetša kgameloya meetse. Gomme Monna wa mengwaga ya magareng a dutše godimo kua, a re, "Ntlišetše seno."

²³³ O rile, "Gobaneng, ga se setlwaedi go lena Bajuda go kgopela mosadi wa Mosamaria se sebjalo."

O rile, "Eupša ge o ka be o tsebile Yo o bego o bolela le yena!"

²³⁴ "Bjale," o a nagana, "mo go Mojuda wa mahlajana." O retologile go dikologa, a re, "Ke a bona O Mojuda. Gomme ge O le Mojuda, nnete, O wa bodumedi, gomme O re, go rapela ka

Jerusalema. Eupša tatawešu, Jakobo, o nwele go tšwa sedibeng se, gomme o nošitše dikgomo tša gagwe mo. Gomme meetse a tebile, gomme Wena ga o na le selo sa go ga ka sona. Gomme re rapela ka thabeng ye.”²³⁵

²³⁵ O rile, “E no ema motsotso. Eya o tšee monnamogatša wa gago gomme le tle mo.”

O rile, “Ebile ga ke ne monna.”

²³⁶ O rile, “O boletše therešo.” O rile, “O bile le ba bahlano. O bile le ba bahlano, gomme yo o dulago le yena bjale ga se wa gago.”

²³⁷ Seotswa se sennyane sela, se kgethetšwepele, ke kgona go no mmona a bea pitša yela fase, gomme a re, “Mohlomphegi, ke a bona gore O Moprefeta.” Le a bona? Le a bona?

²³⁸ Peu yela e be e robetše fale. Selo se nnoši seo e se hlokilego e be e le Meetse, gomme Meetse a be a wetše godimo ga yona.

²³⁹ Ge A wetše godimo ga Bafarisei bale, ba rile, “Ke Beletsebubu.” Ga se a kgone go tliša selo. Go be go se selo fale eupša ngwang, go tšwa go yona.

²⁴⁰ Eupša ge peu yela e kgethetšwegopele e ratha Meetse ale a Bophelo, o rile, “Mohlomphegi, O swanetše go ba Moprefeta. Ke a tseba gore ge Mesia a etla, O tla re botša dilo tše.”

O rile, “Ke nna Yena, yo a bolelago le wena.”

²⁴¹ O ile a tlogela pitša yela ya meetse, gomme a ya ka toropongkgolo! O be a na le se sengwe go botša. O rile, “Etlang, bonang Monna Yo a mpoditšego dilo tše ke di dirilego. A yo ga se yena Mesia?” Le a bona? O tšere lehlakore le Jesu. Yeo ke nnete.

²⁴² Selo sa go tlaba, a e be e se sona? Bafarisei bohle le Basadutsei ga se ba Mo tseba, gomme mmalegogwana yo o Mo tsebile. Le a bona? Gobaneng? Bao ba Mo dumetšego, le go Mo rata, le go bona maswao a Gagwe, ba tsebile leo e be e le leswao la Mesia. Ga go ye go e dikologa. Ba e tsebile.

²⁴³ Ge Nathaniele wa kgale a sepeletše godimo fale. Mohlomongwe, pele ga Filipi, o rile, “Bjale, ga ke tsebe ka se, Filipi. Ke bone dilo tše dintši di tsoga mo matšatšing a a mafelelo. Ke a tseba go ne dilo tše dintši di kgatlampanganago.” Eupša o sepeletše godimo kua pele ga Gagwe. O rile, “Ke tla ya go Mo theetša, le go bona se a swanetšego go se bolela.”

²⁴⁴ A sepelela godimo kua, gomme Jesu a re, “Bonang Moisraele yo ka go yena go sego bomenetša.”

O rile, “Rabi, O ntsebile neng?”

²⁴⁵ O rile, “Pele Filipi a go bitša, ge o be o le ka tlase ga mohlare, Ke go bone.”

²⁴⁶ Ke eng e dirilego? Meetse a rathile peu yela e kgethetšwegopele. Oo, nna! Ge A dirile, o rile, “Rabi, Wena o Morwa wa Modimo. Wena o Kgoši ya Israele.”

²⁴⁷ E be e le eng? Peu e be e robetše kua, e loketše. Modimo o e bjetše morago mošola pele ga motheo wa lefase; E swanetše go tliša pele Seetša thwi ka nako yeo. Haleluya!

²⁴⁸ Seo ke go ema ga ka, thwi fao, ngwanešu. Fao ke mo ke dumelago, thwi fao. Ke a Le rera, gomme Le wela *fa le fale*, gomme ba ya ka tsela *ye le ka tsela yela*. Ga go dire phapano ye itšego. Felotsoko, A ya go ratha peu. Gomme ge A dirile, e tla fofela godimo go ya Bophelong, ka mokgwa *woo*, feela ka nnete bjalo ka lefase. [Ngwanešu Branham o thwantšha menwana ya gagwe—Mor.] Ee, mohlomphegi.

²⁴⁹ Boka, “Mošemanе yola wa sefolu,” o rile, “se se dirilwe gore mediro ya Modimo e ke e dirwe go bonagatšwa.” Le a bona? Le a bona? O tsebile se se bego se eya go direga. Kgonthe, O dirile. Go lokile.

²⁵⁰ Bjale, bakgethelwapele, ge ba bone maswao a Gagwe a Lengwalo, ba tsebile gore Lentšu le hlatseditše mediro, goba mediro e hlatseditše Lentšu, gore Lentšu le be le nepile. Ba be ba kgethetšwepele go Le bona, gomme ba be ba le thwi mothalong go Le bona, gomme ba Le hweditše.

Ka gona ba rile... Ka morago ga ge ba bone ba be ba sa kgone go ya felo.

²⁵¹ Gobane batho ba be ba kgethetšwepele go Bophelo bjo Bosafelego, ba be ba eya go Bo hwetša. Yeo ke phetho. “Bohole Tate a Mphilego ba tla tla go Nna. Gomme bohole bao ba tlago go Nna, Ke tla ba fa Bophelo bjo Bosafelego le go mo tsoša mo letšatsing la mafelelo. Go ka se be le o tee wa bona a lahlegago.” Amene. Ke swareletše thwi go seo.

“E sego ka mediro, e sego ka mediro, e sego ka maatla, e sego ka thata; ka Moya wa Ka, go rialo Modimo.” E sego se ke se dirilego, se ke lego sona, goba se ke tla bago sona; eupša se A lego sona. Gomme ke ka go Yena. Gomme eng kapa eng A lego sona, ke nna karolo ya Gagwe. Amene. Ke phološitšwe gobane ke karolo ya Gagwe. Gomme, Yena, Yena ke Modimo. Gomme ke karolo ya Gagwe, go beng morwa wa Gagwe. Yeo ke nnete. Kafao ga se se ke se dirilego, se ke tla se dirago. Ke se A se dirilego. Yeo ke tshepo ya ka, thwi fao. Go lokile.

²⁵² Kafao ba bone ba ka se kgone go ya felo. Ke tla tshela a se makae a Mangwalo a fa. Ba bone gore ga se ba ke ba kgona go fihla felo, le Yena.

Kafao, le a tseba, selo sa go latela ba ilego ba swanela go se dira, go leka go Mo tloša tšhemong, ba ile gomme ba re go baena ba Gagwe le mme wa Gagwe, “Le a tseba, O lapile gampe. Le swanetše go Mo tšea go tloga go ya lehlakoreng le tee, lebakana.” Sehlopha selo sa baikaketši! Ba nno se ke, selo, e bile, ba nno se nyake go hwetša, selo se ba bego ba sa nyake go se dira... Ba be ba nyaka go Mo fediša. E be e se gore ba be ba gopola gore O be a lapile kudu. Ba nyaka gore A šome ka Boyena go ya lehung.

Eupša nako le nako O ile ntle, mehlolo e thomile go tshela, Lentšu la Modimo le ile pele.

Nna, a nka se rate go Mo kwa a eme godimo kua letšatši lela, lebopong la lewatle, ge A biditše Simone Petro, gomme o rile, “Ntatele!” A ke be ke rata go ya godimo ga lefatša le go dula fase kua, ke tlogetše dinnete tša ka, le go tlogela kota ya ka ya go thea dihlapi, Ngwanešu Crase, le go dula fase kua, ka ithekga morago kgahlanong le lefatša le go Mo theetsa a rera ge A tsena ka sekepeng sela! Oo, nna, nna! A nka be ke ratile go Mo kwa ge A boletše gore, “Etlang go Nna, lena bohole bao le katanago le go rwala boima. Ke tla le fa khutšo.” Amene. Ke be ke tla rata go Mo kwa a e bolela.

²⁵³ Ba lekile go tsea mme wa Gagwe le bona go Mo tloša tšhemong. Ba rile, “Gabotse, o a tseba, O—O šomile go fetiša. Ke a dumela bokaone o Mo tloše ka tsela yeo.” Tsela ye nngwe le ye nngwe, selo, go Mo fediša, seo ke sohle ba bego ba se nyaka. Ee, mohlomphegi.

²⁵⁴ Gape, ba bantši ba ba ilego le Yena, go no hwetša lefelo go Mo thea. A le be le tseba seo? Batho ba be ba latela thwi mmogo le Yena, go no hwetša lefelo. Ba Mo fa, letšatši le lengwe, peni. Gomme ba rile, “Rabi . . .”

Pele ba Mo fa peni, ba rile, “Rabi, re Bajuda. Re a tseba O Monna yo mogolo wa Modimo.” Oo, moikaketši yola! Le a bona? Ya. “Re a tseba O Monna yo mogolo wa Modimo. Ee, Mohlomphegi, Rabi.” Ba be ba sepela thwi mmogo le Yena. “Oo, moso wo mobotse, Ngwanešu! Oo, re thabile kudu O godimo fa ka nageng ya rena! Oo, re thakgetše kudu go Go bona! Ka kgonthe re bakeng sa Gago, meno le lenala la monwana, Ngwanešu. Ge O eya go ba le tsošeletšo, ebile re ka no dirišana le Wena.” Le a bona? Se ba lekago go se dira ke go Bea molaba bakeng sa Gagwe. Le a bona?

²⁵⁵ Ba rile, “Bjale, re a tseba gore Wena o Monna yo mogolo wa Modimo. Ga o boife go ratwa ga motho. Ga o boife selo eupša Modimo. Gomme re a tseba gore O ne sebete. Oo, ga O ne poifo ka Molaetša wa Gago! Re a tseba O Moprefeta yo mogolo, gobane ga go motho a ka kganago go dira ka mokgwa woo le go hloka poifo ka Molaetša wa Gagwe ka matšatšing a go swana le a, ntle le ge A be a le Moprefeta wa Modimo, a tseba moo A emego. Kafao, re a tseba ga O hlompho motho, ga go motho. Rabi, O Monna yo mogolo. Re Bajuda. Re thwi le Wena, Ngwanešu. Ka kgonthe re gona.

²⁵⁶ “Bjale, Rabi, a go lokile go fa tlhompho go Kesara?” Oo, sehlopha sela sa baikaketši! Huh!

Letang. Moya wo Mokgethwa o be o na le Yena. O be a le Moya wo Mokgethwa. Le a bona? O rile, “O na le peni?”

O re, “Oo, ee, ee. Ya. Ke ne peni, ya, ke a dira.”

A re, "E neele go Nna." A re, "Ke seswantšho sa mang se lego godimo ga yeo?"

O rile, "Kesara."

O rile, "Gona neelang Kesare se e lego sa Kesara; Modimo se e lego sa Modimo."

²⁵⁷ Go Mmeela molaba, ba ipolela go ba bagwera ba Gagwe. Go bonala o ka re ga go yo motee a bego a ka kgona go Mo kwešiša. Ba be ba tla sepela le Yena lebakana le lennyane, morago ba sellega ka Yena, gomme ba tloga. Ba be ba tla re, "Oo, gabotse, re naganne, re naganne ka kgonthe . . ." Ebile le barutiwa ba rile, "Re naganne ka kgonthe yo e be e le Yena yoo a bego a eya go . . ." Go fihla, ebile le Johane o rometše ntle, o Mmotšišitše, "A O Yena, goba re lebelela yo mongwe?" Le a bona? Oo, a bophelo bjo A swanetšego go be a bo phetše, le a bona, le go tseba seo! Eupša O bile le morero o tee, morero o tee: go dira mošomo wa Modimo. Ba bantši ba ile le Yena, go no hwetša lefelo go Mo thea.

²⁵⁸ Bjale, ke a holofela ga se nyefolo ge ke re go a swana lehono. Ba bantši ba tla ka gare le go latela kopano, go no hwetša lefelo, go bona o rapelela yo mongwe.

²⁵⁹ Fa, e se kgale botelele, kgaetšedi tsoko yoo a yago kerekeng ye, e bile kerekeng ye nngwe moo Modimo a bego a dira se sengwe le se sengwe go direga. Gomme kgaetšedi yo o rile go kgaetšedi yo mongwe, o rile, "O a tseba, monna yola a ka kgonago go rapelela balwetši," o rile, "o swanetše go ba le bo-bo-bo bophelo bja phenyo kudu." Gomme o rile, "O swanetše go no kgona, lapa la gagwe, se sengwe le se sengwe, a fodištše ka lentšu le le boletšwego, ka mokgwa *woo*." [Ngwanešu Branham o thwantšha menwana ya gagwe—Mor.]

Gomme mohumagadi yo mongwe o diregile go ba go tšwa Jeffersonville. Gomme ke na le mnene gore ga go yo a swanetšego go tseba, eupša se Jesu a se boletšego, "Magareng ga batho ba geno," le a tseba, "naga ya gago." Yeo ke mnene. Ke ka lebaka leo ke . . . E ka no ba yeo gonabjale, e etla kgauswi, e ka no ba phetogo ya nako, le a bona.

Gomme a re—a re, "O a tseba ke eng?" A re, "Ga go le yo motee wa bana ba gagwe a ka kgonago go ba le go ethimola, ntle le ge a go tseela go ngaka." Wa go šokiša, wa go nyatšega, selo sa go forwa boka seo, le a bona, le a bona, mosadi yo a bego a no nyaka go lahla. O rile, "Ge bana ba gagwe ba lwala, o ba iša go ngaka."

²⁶⁰ Mang kapa mang yo a nago le kgopol o tla dira selo sa go swana. Ya. Batho ga ba kgone go kwešiša gore sehlare se rometšwe ke Modimo. Gobaneng, baena, ge se se, ke sa diabolo. Kgonthe, ke sona. Modimo ke moo sehlare se ka se fihlelelego. Ka kgonthe. Sehlare ke sa Modimo. "Gabotse," o re, "Ke tseba boati bja dingaka feela . . ." Oo, ee, gomme ke a tseba bontši bja bareri ba ka tsela ya go swana, le bona. Ga se monna yo a le swarago,

ke se e lego sona. Ke a tseba banna ba bantši ba swara Lentšu la Modimo, ga ba dumele go phodišo Kgethwa, ebile ga ba dumele go Modimo. Nnete. Eupša ba a Le swara, feela go swana. Go na le bontši bja banna ntle fale ka sehlare, le go buwa, le dilo, bao ba ganago Modimo le se sengwe le se sengwe gape, eupša go na le ba bantši bao ba Mo dumelago le bona. Kafao ge e thuša batho, ke ya Modimo. Ga ka swanela go . . . Ga ka swanela go tsea koloi yela le go otlela go ya gae bošegong bjo. Nka kgona go sepela ge ke nyaka. Eupša Modimo o ntiretše koloi, kafao ke leboga Modimo bakeng sa yona. Dilo tše tšohle di tswa go Modimo, eupša di šomišeng ka kelohloko. Le se ye go gafa ka tšona. Le a bona?

²⁶¹ Selo sa go swana, kafao, yeo, yeo ke yona, le a bona. Go no leka go hwetša se sengwe, go mosokologi yo moswa yo, go senya leina la bona, leina la—la mediro ya Modimo. Le a bona? Ba be ba nyaka go e senya. “Nako le nako ngwana ge a babja, yo mongwe wa bana ba gagwe, o ba iša ngakeng.”

Kgonthe, ke tla dira. Gona ge ngaka e sa kgone . . . ke tla kgopela Modimo go thuša pele ke eya fale. Gona ge ngaka a ka se dire selo ka yona, gona ke tla mo iša godimo godingwana gannyane. Uh-huh. Yeo ke nnete. Ee, mohlomphegi.

Oo, go no swana lehono, ba leka go hwetša molaba felotsoko.

²⁶² O ba tsebile, eupša hlokamelang, ga se nke A ba kgala. O ile thwi le bona. Uh-huh. O dira selo sa go swana bjale. O ya thwi mmogo le bona, go ba laetša kgaogelo ya Gagwe, yeo ke nnete, le ge ba dira gohlegohle kgahlanong le Yena. Gobaneng? Gobane O a ba rata. Gomme O ile le bona.

Eupša ka mehla ba loketše go Mmitša ka taba ya tšhoganetšo. Ba a Mo nyaka nako yeo. Ba nyaka . . . Ba tla dira metlae ka yo mongwe, ka go goelela. Ba tla dira metlae ka yo mongwe a rera phodišo Kgethwa, ba re ga ba dumele go yona. Ba no se babje go lekanelia efela. Ke kwele ba bantši.

²⁶³ Mosadi, ahwa, feela ge ke kitima go rotoga materapo, ge ke be ke rera thwi mo. Gomme monna a eme thwi fale mo lebating, a mpitša. O be a sepetše kgauswi. O be a dula mokgotheng godimo fa, gomme o bile le kgomo ntle fale. Gomme o rile, “Ge kgomo ya ka e ka hwetša mohuta wola wa bodumedi bjoo Billy a nago le bjona, ke tla bolaya kgomo.” Ka tlase ga iri go tloga nako yeo, o ile a rathwa le go tšeelwa bookelong, mosadi yo moswa yo mobotse.

Gomme ke kitimetše ntle kua. Monnamogatša wa gagwe e be e le Mokatoliki. Gomme ba nthomela. “O a hwa. Gomme o ile . . . Mahlo a gagwe a ile a kokomoga. O rile, ‘Mmitšeng. Mmitšeng. Mmitšeng. Mmitšeng. Ka pela. Ka pela.’”

²⁶⁴ Gomme ngwanabo a kitimela godimo gomme a ema fale mojako, gomme a leta le go leta, gomme a tšwela pele a ntšhupetša. Gomme lefelo le be le tletše batho. Gomme ka morago ga lebakana, yo mongwe o tla go dikologa gomme o beile

noute godimo—godimo ga teseke fa. E rile—e rile, “Yo mongwe o a hwa ka sepetlele.”

Gomme ke a dumela, Ngwanešu Graham Snelling, ke rile, “Tsea lefelo la ka go fihla ke eya.” Gomme o be a tla no ema le go hlahlala go opela. Ebile o be a se a bitšwa, le go—go rera, ka nako yeo. O tlide godimo go hlabeletša.

Gomme ke ile ntle le go tsena ka koloing ya ka, le go kitimela ntle kua. Gomme feelsa ge ke eya godimo ga materapo, o gogile mohemo wa gagwe wa mafelelo. Gomme, ka nnete, mala le dipshio, se sengwe le se sengwe, go dira. Gomme ke kitimetše ka kua, gomme ba šetše ba khupeditše sefahlego sa gagwe, gomme mušimeetse o etla godimo go dikologa ka mokgwa woo. Gomme mooki yola wa kgale a eme fale, o rile, “Ngwanešu Branham, o goeeditše mohemo wa gagwe wa mafelelo bakeng sa gago.” A leka go e lokiša, eupša go be go le thari kudu nako yeo, le a bona. Ya. Gape . . . O ka kgoro go dira sebe nako ye nngwe bontši kudu, le a tseba.

²⁶⁵ Gomme o bile mohuta wa go ba le . . . botebong ka sefahlegong sa gagwe. O be a na le moriri wo mohubedu; mosadi yo mobotse ka kgontha. Gomme moriri wa gagwe—wa gagwe wa go kotwa o be o phiphilwe gohle. Mahlo a magolo a matsotho a be a kgoromeleditše ntle, gomme feelsa a tswaletšwe seripa. Gomme disegišabaeng godimo ga sefahlego sa gagwe di be di tsene ka tsela ye bjalo, ngangego ye bjalo, go fihla ba nno ema godimo boka dipampara tše dinnyane gohlegohle sefahlegong sa gagwe, gomme molomo wa gagwe o be o bulegile. Gomme ke sepeletše godimo kua le go mo lebelela.

Gomme fale monnamogatša wa gagwe o eme fale, gomme o rile, “Billy, sese se se bego se le.” O rile, “Ke nna Mokatoliki. Ke nyaka o bolele thapelo bakeng sa gagwe, gobane o ile go phekatori.”

Ke rile, “Eng?”

²⁶⁶ O rile, “Mo direle thapelo.” O rile, “O ile go phekatori. O fetile kgaušwi le kereke ya gago e ka ba diiri tše pedi tša go feta, gomme o rile, ‘Ge kgomo ya rena e ka tsoge ya hwetša mohuta wa bodumedi bja gago, o tla bolaya kgomo.’” Le a bona? O rile, “Mo direle thapelo.”

²⁶⁷ Ke rile, “Seo se thari kudu. A ka be a hlwekišitše soulo ya gagwe mo, e sego go fihla a fihla felotsoko gape.” Le a bona? Yeo ke nnete. Oo, ee.

Eupša ka mehla re Mo nyaka ka nako ya tlalelo. Batho, ke ba kwele ba re, “Ga ke dumele go Modimo.” A nke a ikgobatše ka boyena gabotse gampe, gatee, a bona yo Motee wa pele o tla mmitšago.

²⁶⁸ Ebile le barutiwa ba Gagwe, nako ye nngwe ge ba be ba le ka go ledimo. Le ge, ge ba Mmone, ba be ba Mo tšhoga gannyane

nthathana. Ba be ba sa tsebe feels tlwa se E bego e le. Ba rile, “Ke moyo.” Gomme ba goeleditše ntle. Eupša, efela, dikhofelotšohle go phološwa di be di ile, kafao ba Mo laleditše ka gare. Ya. Fao, ka mehla, ge eba o gonona gannyane goba aowa. Ge dikhofelotšohle di ile, o rata go Mo memela ka gare. Ya. Ba Mo tšeetše ka gare, gobane ba be ba Mo hloka. Yeo ke nnete.

²⁶⁹ Le a tseba, ka mehla ke be ke makala, nako ye nngwe, mohlomongwe ke ka baka leo madimo a tlilego. A le kile la nagana ka seo? O dutše godimo kua le go ba bogela go fihla ba Mo hloka, gomme ka gona A tla go lefelotiragalo. Kafao, re kgona go bona tlhoko ya rena ya Gagwe bjale. Re bona gore ledimo le etla, ngwanešu. A re tšeeng lehlakore le Yena bošegong bjo. Tšeang mahlakore le Lentšu la Gagwe.

Ke—ke—ke tlogela mo.

²⁷⁰ A re tšeeng lehlakore le Yena. A re, lena le nna, baena, tšoenane godimo le Yena, bošegong bjo. Ledimo le etla. Gomme le se ke la leta go fihla sekepe se sennyane se nweletše. A re Mo tšeeleng ka seketswaneng sa rena se sennyane bjale.

O ka no lebelela kgole gomme wa re, “Ga ke kgone go kwešiša dilo tšohle tše, Ngwanešu Branham.”

²⁷¹ Bonang ge eba re bolela e ka ba eng eupša se se lego ka go Lentšu. Bonang ge eba go ne e ka ba eng fale eupša se A tshepišitšego go se dira. Go ka no lebega go ba sepoko gannyane go lena, nako ye nngwe. Le a nagana, “Oo, nna. Ga ke kgone go kwešiša Seo.” Eupša go tla ba le letšatši ge bophelo bjo bja gago bo tloga. Bo—bo ka se lebege bobe kudu go wena nako yeo. Ge o tseba, ka bowena, o swanetše go boela morago go Modimo yo a go hlotšego, o tla nyaka go Mo tšeela ka gare nako yeo. A re Mo tšeeleng ka gare bjale, pele ledimo le eba gampe go feta se le lego.

²⁷² Ke Mo nyaka ka pelong ya ka. Ke Mo nyaka kudu ka bophelong bja ka, go fihla bonna bjhohle bja ka bo tlatšwa; gore monagano wa ka, dikgopololo tša ka, se sengwe le se sengwe sa ka ke lego sona, se bušwa le go laolwa ke Kriste Jesu. Ke nyaka go lahlega kudu, go—go nnamong, gore sohle ke tla se tsebago le go bona ke Jesu Kriste.

Gomme ke nyaka go tla pele ga lena bohole, ge Modimo wa Legodimo a le dumelela go ba le dilo tše tseo ke boletšego ka tšona. Ge ke etla magareng ga lena, ke nyaka go tseba Kriste, Yena mmapolwa. Ke—ke nyaka go tseba letago le ditumišo tše bohlokwa tša Modimo. Ke dula fase magareng ga lena, gomme ke kwe modiredi yo motee a emelela gomme a fa tumišo go Modimo, go se a se bonego se dirwa ka kerekeng ya gagwe. Yo mongwe, se a se bonego se dirwa ka kerekeng ya gagwe. Yo mongwe, se a se bonego se dirwa ka kerekeng ya gagwe.

²⁷³ Seo ke se ba se dirilego tlwa. Gomme ge ba etla mmogo le go kopana ka kopanelong, ka go Ditiro 4, ba be ba efa

lebaka se Modimo a se dirilego godimo *fa*, le se Modimo a se dirilego godimo *fa*. Gomme Petro le Johane ba be ba hwipintšwe. Gomme—gomme—gomme ba dirile tshepišo gore ba tla . . . se ba tla se dirago go bona ge ba rerile bontši bjo bo itšego ka Leina la Jesu. Gomme ba kgobokane le batho ba bona, gomme bohole ba rapetše ka mmtero o tee, le go rapela ka go thato ya Modimo, gomme ba tsopotše Lengwalo. “Gobaneng bahetene ba befetšwe, gomme batho ba eleletša selo sa lefeela?” Gomme ge ba rapetše, Moya wo Mokgethwa o šikintše lefelo moo ba kgobokanego mmogo.

²⁷⁴ Woo ke mohuta wa kopano re e hlokago. Yeo ke ye re swanetšego go ba le yona, baena. A re hlamišweng ke Lentšu la Modimo, ka Moya wa Modimo, ka maatla a Modimo. Gomme a nke Dietša tša rena di phadime bjalo bjale, gore re tla ba bjalo ka Stefano.

²⁷⁵ O eme fale, monna yo motee, a nnoši, pele ga khansele yela ya Sanhedrin ya seripa sa milione sa banna, mohlomongwe, ba eme fale. Yo mongwe le yo mongwe wa bona o šupa monwana wa bona wa pharomolato mo sefahlegong sa gagwe. Ge moisa yola yo monnyane a sepeletše ntle fale, o rile, “O phadimile boka morongwa.” Ga ke re, mohlomongwe, seetša godimo ga sefahlego sa gagwe, ka mokgwa woo. Morongwa ga a swanelo go ba le seetša godimo ga gagwe. Eupša morongwa ke motho goba . . . Morongwa ke motseta, gomme motseta yo a tsebago se a bolelagoo ka sona.

O sepeletše ntle kua gomme a re, “Banna, le baena, le botate, botatawešu ka Mesopotamia, ka fao ba tlišitšwego ntle, le Abraham,” le go ya pele, le go ya pele go *Kaekae*. Gomme ka gona o ile tlase go ntlha ya go senya, o rile, “Oo, lena ba melala ye methata, mašoboro ka pelong le ditsebeng, gobaneng ka mehla le ganetša Moya wo Mokgethwa? Boka botataweno ba dirile, le lena le dira bjalo.” O tsebile tlwa se a bego a eme go sona. Ke ka baka leo a bego a phadima. O be a sa boife nthathana. O tsebile ka go Yena yo a mo dumetšego.

²⁷⁶ Ebile le ge lehu le kokotile mo lebating la pelo ya Mokgethwa Paulo. [Ngwanešu Branham o kokotile phuluphithing—Mor.] Gomme o rile, “Ke tseba ka go Yena ke mo dumetšego, gomme Ke kgodišegile O kgona go boloka seo ke se gafetšego go Yena kgahlanong le letšatši.” Amene.

²⁷⁷ Morena a le šegofatše, baena. Ke maswabi ke le swarelela fa go fihla metsotso ye masomepedi tlhano go fihla go lesometee. Ke a tseba se ga se go hlamatsege go lena. Ke maswabi go e dira. Eupša le bile bose ka kgonthe bošegong bjo; ga go yo motee wa lena a tlogilegogo. Le dutše le go fa šedi ya lena ya go se arogane.

Gomme ke a tshepa le go holofela gore, ka go ya ka ye nnyane, ya go robega godimo, polelo ya letšhogo, gore Modimo, Moya wo Mokgethwa, felotsoko o tšholletše ntle Peu ye nnyane ka

pelong ya gago, yeo maatla a Modimo a tla e rathago le go E tliša Bophelong, go no swana le mosadi sedibeng, le ba bangwe ba ba kgethetšwegopele go ya Bophelong bjo Bosafelego. Modimo a le šegofatše.

²⁷⁸ Ngwanešu Neville, o ya go phatlalatša, goba o nyaka go dira eng? O dira bjang? Feela ka go...[Ngwanešu Neville o re, “Ke nyaka o no ya pele.”—Mor.]

A le a Mo rata? [Phuthego e re, “Amene!”—Mor.] A le tla Mo direla? [“Amene!”] A le tla Mo dumela? [“Amene!”]

Amene!

Le a Mo rata? Amene!

A le tla Mo direla? Amene!

A le tla Mo dumela? Amene!

Amene! Amene!

Re nyaka go e opela. Amene!

Amene! Amene! Amene! Amene!

Beibele ke therešo. Amene!

Ke a E dumela. Amene!

Ke Lentšu la Modimo. Amene!

Amene! Amene!

A re emeng.

Amene! Amene! Amene! Amene! Amene!

Morena, re a Go rata. Amene!

Amene! Amene! Amene! Amene!

Re a dumela O etla. Amene!

Re komana go kopana le Wena. Amene!

Etla, Morena Jesu. Amene!

Amene! Amene!

Re rapela Modimo go re dira go ba bokaonekaone bja rena dinako tšohle, go Mo hlankela.

Amene! Amene! Amene! Amene! Amene!

Ke a tshepa gore O tla le šegofatše, le go le bolokela, le go le boloka, le go šetša gare ga rena, le gole Tukiša ka Mmušong wa Gagwe, go dira mediro ye megolo, le go nthuša mo tšhemong go fihla re kopana gape.

Amene! Amene! Amene! Amene! Amene!

Ke tla le rapediša. A le tla nthapediša?

Amene! Amene! Amene! Amene! Amene!

²⁷⁹ Tate wa rena, re kgobokane bošengong bjo ka Leina la Morena Jesu wa go hlomphega, lona Leina lela la go ratega le go ratega leo bohole re le ratago le go rata kudu. Ke nagana ka fao dihlophatša banna tlase go kgabola mengwaga, lebaka la mengwaga ye masometharo goba go feta, re kgobokane ka moagong wo

monnyane wo wa kgale. Ka fao re bego re dula go dikologa setofo ka maoto a rena a gatsetše, go nyakile, le go dula fale ka maoto a rena godimo ga setofo, le go bolela ka Morena Jesu.

Ke nagana ka maoto a bohlokwa ao gatee a kilego a gatakela godimo ga lefase, ao a dutšego ka ona maoto godimo kgahlanong le fale. Ke nagana ka Ngwanešu Seward wa kgale, Ngwanešu Sparks, Ngwanešu George DeArk, disoulo tše dingwe tše ntši tše bohlokwa tšeо gatee di dutšego ka maoto a tšona kgahlanong le setofo sela, di ile pele go kopana le Morena wa tšona bosegong bjo, go khutša mošola ka lebitleng, go leteleng pitšo ye kgolo yela ya Godimo. Ba lwele ntwa. Ba bolokile Tumelo. Ba feditše lebaka. Gomme bjale ba letile bakeng sa mphaphahlogo wa toko, Morena Moahlodi wa toko o tla ba fa letšatšing leo.

²⁸⁰ Tate Modimo, re rapetše ge re be re gafela kereke ye nnyane ye mo khoneng, le go re, “Morena Jesu, a nke e eme gomme batho ba be ka go yona ge O phuleletša mafaufau, go tla ka go yela ya sephiri, go sepela ka potlako ga Kereke.” Modimo, ke a rapela gore disoulo tše di tlago go aletara ye, disoulo tše di Go diretšego, Peu ya Ebangedi ye e bjetšwego morago le pele, le morago le pele, le morago le pele, go kgabaganya mo, lebaka la mengwaga ye masometharo, gore re dumela ba bantši ba batho ba bohlokwa bale ba tla ba fale ka Letšatši lela, ka baka la maiteko a a go fokola ao re a beilego pele, go tliša Lentšu go Bophelo bjola bo kgethetšwegopele. Re leboga Wena ka yona. Le tshepo, Modimo, bosegong bjo, gore ga go yo motee a lego gona bjale eupša yo a tla bago gona ka Letšatši leo, a khupeditšwe ke Madi, a kgwapareditše ka go Jesu. E fe, Tate. Re tshepela ka go Yena.

²⁸¹ Bjale re swanetše go kopana fa gape Lamorena mosong, bontši bja rena. Gomme re a rapela, Modimo, gore O tla kopana le go re ngwathela Borotho bja Bophelo.

Modimo, re tla gopolia Ngwanešu Ruddell le lefelo la gagwe godimo kua, moo bale ba diiletšego le yena. Eba le mošemane yola yo bohlokwa, Morena, ke a rapela. Bjalo ka ge ke mmona a etla godimo, go bona baisa ba baswa ba, ke ikwela gore ke boTimotheo ba ka. Ke a rapela, Tate, gore O tla šegofatša Ngwanešu Ruddell le bodiredi bja gagwe. Segofatša Ngwanešu Junie Jackson. O Modimo, re a rapela gore ditšhegofatšo tša Gago di tla ba godimo ga gagwe, godimo ga Ngwana wa borena Crase, godimo ga Ngwanešu Snelling, godimo ga ngwanešu yo mongwe yo fale yoo a tšeago lefelo la gagwe, le Ngwanešu Beeler, le ngwanešu, banešu bohole ba mo, Morena, le Ngwanešu Neville, le yo mongwe le yo mongwe wa rena, Morena. Re no rapela gore ditšhegofatšo tša Gago di tla myemyela godimo ga rena, gore mogau wa Gago e tla ba sohle seo re se hlokago, Morena, go ya pele.

Gomme a nke re se tsoge ra lebala tshwayo ye nnyane, bošegong bjo. Le ge mosadi yola yo monnyane a eme fale, a sa tsebe se bofelo bo tla bago; eupša Jesu o be a hloka šedi, gomme o be a Mo fa yona, ee, a hlatswa maoto a Gagwe. Se sengwe se se hlokomologilwego seo ebole le bale ba teleimilego go ba bahlanka ba Gagwe ba šitilwego go se dira, gomme ba be ba leka go dira metlae ka Yena. Eupša o Mo diretše tirelo, a se a letela moputso, gomme go be go ka se kgone go ye kgolwane e filwego.

²⁸² Modimo, a nke re dire sa go swana, go no gatelela pele le go dira tirelo ya Modimo. Gomme sohle re hlogela go dira, Morena, ke go kwa, ka Letšatši leo, “Go dirilwe gabotse, mohlanka wa Ka yo mobotse le go botega. Tsena ka mathabong a Morena ao a lokišeditšwego wena ge e sa le motheong wa lefase.” Modimo, re fe go dira seo, le go boloka kopanelo seng sa ren. Gomme a nke Moya wo Mokgethwa o be le ren a le go re hlahla le go re šupetša ka go tšohle re di dirago. Gomme re fe bophelo bjo botelele, mohlomongwe, ge go kgonega, go bona go Tla ga Morena Jesu. Re e kgopela Leineng la Gagwe. Amene.

Tšhegofatšo e be tlemo ye e tlemago
 Dipelo tša ren a ka lerato la Bokriste;
 Kopanelo ya menagano ya leloko
 E swana le yela ya Godimo.
 Ge re arogana,
 Bjale e re fa bohloko bja ka gare;
 Eupša re sa no ba re tlemagane ka pelong,
 Le go holofela go kopana gape.

²⁸³ Beibele e rile, “Ba opetše sefela gomme ba tšwela ntle.” Modimo a le šegofatše bjale, go fihla ke le bona gape, Lamorena mosong, Morena ge a rata. Šalang.

²⁸⁴ Jim, ga se ke hwetše go šišinya seatla sa gago, bošegong bjo. Modimo a go šegofatše. Morena a go šegofatše. 

Go TSEA MAHLAKORE LE JESU NST62-0601
(Taking Sides With Jesus)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, June 1, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org